

商
城
縣
志

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 25 1936

3

Gift of
East Asiatic Society

3145/0245.84

卷之三

建置志

城池
公宇

壇廟
坊里

集鎮

關隘
綢洋

兵防
郵置

卷之四

食貨志

戶口
稅權

田賦
積貯

鹽法

恩賚

蠲賑

商城縣志卷之三

知商城縣事榮河武開吉纂修

建置志

城池 集店

壇廟 關隘

公宇 兵坊

坊里 郵置

上古茅茨土階不言建置周官匠人營國載之綦詳然諸史無及之者近世志家不廢良以先王量地制邑度邑居民建置蓋其慎也商城處萬山之中界荆揚豫州之域自宋改殷城為商城至道三年省入固始求漢唐以來一木一石蓋不可考矣明成化十一年始復其舊凡建置若城池若壇廟若公宇若坊里

商城縣志 卷之二
若集店若闕隘若兵防若郵置制亦殫矣乃不數十年而獻寇破之闕寇躡之士寇又從而焚之而毀壞之迨我

朝定鼎求其存焉者蓋寡經

廟堂之擘畫諸廢俱興庶民之子來勿亟是戒百餘年間二三令尹創者創繼者繼始獲有此美備之觀撫其成者當思建置之不易與吾民休養以培之生息以聚之居敬行簡勿侈美於前人勿蕩心於興作衆志成城斯何如氣象也不然長府作而君子議之矣作

建置志

城池

商城在明成化以前爲固始縣商城鎮卽隋殷城舊址也成化十一年知縣張浚創建築土爲城正德六年知縣李允恭抵任以流寇數陷城邑卽興工修築未竣而賊猝至十年知縣鄭璞築土增高甃以磚石崇禎年知縣王拱極復爲修濬十四年爲張獻忠所破知縣馮祖望董率鄉民拆城內灰燼之壁修補之國朝順治三年黃檗山土寇陷城知縣衛貞元重修周

九里一十三步築口售一千三百今八百有奇高二丈五八門四東曰迎旭南曰迎薰西曰澄清北曰瞻宸北有闔闔城東曰自金剛臺來重巒疊阜岡脊隆起不能爲池舊設有賸馬坑與民守之未盡恃此也南西北則金剛臺迤西之水環遶爲河然沙鬆水淺亦不足恃在德不在險古人之論良有以也乾隆六十年知縣楊元愷以紳士黃師萬 楊文驃 何毓琬 吳錦含等呈請悉爲完繕其未竣者嘉慶四年署任知縣覺羅普寧增修之嘉慶五年秋雨連綿各處塌坍者至四十

丈西門全毀開吉捐廉補修始稱完固

按嘉慶四年重修城垣碑載丙辰元年逆匪西擾前令楊元愷捐俸勸輸共得三千餘金委邑尉黃霖並在城紳士黃師萬吳錦含楚煦程則形楊文驃何毓琬楚安居熊家祉吳家麟周賡黃思法周之駒周文述黃士杰等董其事其督工者則黃師萬楊文驃何毓琬吳錦含周之駒熊家祉等六人至署令普寧城工始蕙以兩令尹之籌畫一尉之襄諸紳士之勤勞亦可謂不遺餘力矣乃不數年

而陰雨有頽之者是豈爲之不力與工之未善歟
良由此地水淺沙浮磚鬆灰劣易成朽爛故邑
自創建之後較他邑重修之役爲多求如西北各
郡縣有數十年一修百餘年一修者不能也守土
之官有專城之責呂新吾先生云州縣重門高城
深池非爲如竹籬土垣遮人眼目設險守國所當
隨時修葺補其缺通其阻有備無患斯有合於聖
人重門待暴蓋取諸豫之意矣

城內東街由東門經縣前西抵城隍廟八角井西街
由西門經縣治後抵東城下積草場南北街一自北
門至觀音堂少西而南達南門縣前街之前爲花園
巷東西直其西爲古家巷縣之左爲郝家巷南自祖
師堂直通北城下縣之右南爲黃家巷卽舊南門巷
北爲楚家巷卽舊西大街北直藏經閣縣後西大街
之北東西通者在西爲大寺巷在東爲官井巷城隍
廟在縣前街之西其左爲鮑家巷今名四衙巷右爲
西小巷學宮在縣街東其南爲雲路街知縣衛貞元
開北大街之東有張家街後巷橫東又有館驛巷新

衙門前小街亦橫東

按新衙門爲馬家書屋卽今程家巷

今又有鮑家小橋巷盛家巷察院東直南北

按察院卽今賢侯祠地自東大街牌坊西經賢侯

北祠東直抵北城者卽盛家巷

東嶽廟後塘西埂直北向者爲黃家塘埂巷

按東嶽廟卽今龍王廟

南街之東今有楊家巷四門外各直街一道南關倍

之

壇廟

社稷壇在城西半里許明知縣張浚於成化十一年

創建雍正十年奉文重修址基東西二十八弓南北

二十六弓

順治初定每年春秋仲月上戊日祭雍正二年定

各直省各府州縣每歲祭社稷壇府稱府社府稷

州稱州社州稷縣稱縣社縣稷之神壇制東西二

丈五尺南北二丈五尺高三尺一成用營造尺

出陛各三級繚以周垣四門朱色自北門入壇

正中立石主一去壇二尺五寸露圓頂餘埋土
壇西北隅設瘞坎一成甃砌東向寬四尺深三
四面作踏道上下神牌高二尺四寸寬六寸座
五寸寬九寸五分朱漆青字臨祭設於壇上北
祭畢藏之會城巡撫主祭有總督省分則以總
主祭道員分治各府者於所治主祭其餘府州
皆正印官將事以各學教官糾儀生員充禮生
城丞倅執事府州縣以椽吏執事祭品每神
前各帛一鉶二簠二盞二籩四豆四爵三共羊

豕一尊一祭日雞初鳴承祭官以下咸朝服齊集
黎明贊引禮生二人引承祭官詣盥洗所盥洗通
贊禮生贊執事者各司其事贊引者引承祭官至
階前拜位立引班禮生二人分引陪祭官文東武
西各就拜位序立乃迎神贊引者引承祭官升
壇詣香案前司香跪奉香承祭官三上香復位行
三跪九叩禮陪祭各官皆隨行禮奠帛初獻爵司
帛奉篚進跪奠篚司爵奉爵進獻爵奠正中皆
司祝禮生至祝案前跪承祭官暨陪祭各官皆

司祝讀祝畢詣 神位前跪安於案叩如初退
祭官暨陪祭各官行三叩禮亞獻爵奠於左終獻
爵奠於右均儀如初獻乃徹饌送 神承祭官行

三跪九叩禮陪祭各官皆隨行禮司祝奉祝司帛
奉帛恭送瘞所承祭官轉立拜位西旁東面候祝

帛過復位引至望瘞位望瘞贊引告禮成引退衆
皆退 祝文部頌惟神奠安九土粒食萬邦分五色

以表封圻育三農而蕃稼穡恭膺守土肅展明禮
茲當仲春敬修祀事庶九九松柏鞏磐石於無疆

翼翼黍苗佐神倉於不匱尚饗

神祇壇在南門外一里明知縣張浚建

國朝雍正十年知縣陳伸奉文重修地基東西二十弓

南北二十四弓

順治初定各府州縣風雲雷雨山川城隍共爲一

壇每歲春秋仲月致祭雍正二年定安設神位風

雲雷雨稱風雲雷雨之神居中山川稱某府某州

某縣山川之神居左城隍稱某府某州某縣城隍

之神居右乾隆二十二年定春秋仲月與社稷壇

同日致祭壇制及石主神牌與社稷壇同自南門入壇東南隅設燎鑪礿砌西向春秋仲月致祭在城文武官皆與設案一於壇正中南向雲雨風雷神位居中境內山川神位居左城隍神位居右陳釧二簋二簋二籩四豆四案前設俎陳羊一豕一又前設案一供祝版陳香盤一鑪一燈一西設案一陳帛七尊一爵二十有一陳福酒福胙於尊俎之次主祭官及陪祭官執事官序班並如祭社稷壇之儀引班引贊通贊及執事諸人以次序立質明引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官按班就東西拜位立均北面迎神上香讀祝行三獻禮儀節均與祭社稷壇同祝文部惟神贊襄天澤福佑蒼黎佐靈化以流行生成永賴乘氣機而鼓盪溫肅攸宜五磅礪高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆邊祇陳牲幣尙饗

先農壇在城東北里許南向正宇三楹東西配室各一楹東西角門各一楹正門一楹雍正五年知縣黃正煥奉文建乾隆五十七年署令蕭應運捐修有碑在壇門之東

雍正四年令各省督撫轉行府州縣衛擇東郊潔淨豐腴之地照九卿所耕藉田畝數爲田四畝九分立先農壇每歲仲春亥日督撫以下等官率屬員耆老農夫祭先農之神祭畢行耕藉禮壇制東西二丈一尺南北二丈一尺高二尺一寸一成四

出陛各三級繚以周垣三門朱色白南門入壇北

建正房三間東西配房各一間

東置祭器西住看壇農民

壇東

南隅設瘞坎一成西向寬四尺深三尺東面作踏道上下神牌與社稷壇同朱漆金字歲以三月亥日致祭主祭陪祭執事各官前期二日各致齋於公所埽除壇壝內外祭日雞初鳴執事人入設

先農神案於壇正中南向陳劔一簋二簋二籩豆各四案前設俎陳羊一豕一又前設香案一陳文香盤鑪盥左設一案東向陳帛一尊一爵三

福酒胙肉於尊爵之次設盥洗於階下之東贊
 引班引陪祭官入引贊引主祭官入通贊贊執事
 者各司其事贊就位引主祭官至階下盥手就
 位立陪祭官按班就東西拜位立均北面迎
 上香讀祝行三獻禮餘儀與祭社稷同禮畢
 祭官以下皆退各就次易蟒袍補服通贊行耕
 禮主祭官就耕所陪祭官執事生牧夫耆農人
 序立神路東西兩旁面皆南向唱行九推禮
 犁執事生以犁進唱進鞭執事生以鞭進唱秉

主祭官秉耒唱初推司鉦者鳴鉦一聲司鼓者疊

鼓鼓不徐不疾均節為疊農官牧夫引牛行陪祭官執青箱

隨後播種一進一反為一推司鉦者鳴鉦一聲唱

初推竟二推三推至九推皆如之九推禮畢唱停犁執事生

承犁唱釋鞭執事生承鞭主祭官率陪祭官等序

立神路東旁南向庶人終畝畢報事吏請行賞設

賞案班牧夫及耆民等賞有差唱謝

恩引贊生引各官就位整

闕威序立贊三跪九叩首贊興唱禮畢主祭官率陪祭

各官由壇東門出諸執役由西門出

祝文部

神肇興稼穡立我烝民頌思文之德克配彼天念

率育之功常存時夏茲當東作成服先疇共惟九

五之尊歲奉三推之典恭膺守土敢忘勤勞謹奉

彛章聿修祀事惟願五風十雨嘉祥恒沐於神庥

庶幾九穗雙岐上瑞頻書於大有尙饗

藉田七坵四畝九分園地一畝六分共糧六畝五

分立石爲界冊載河清里一甲額輸糧銀三錢

分二厘六毫九絲四忽八微六纖現任知縣元

每年額收藉穀一十石三斗歸倉各壇廟祭祀案

盛每年動用四石一斗七升餘穀五年變價貯庫每年

先農壇祭祀開銷經費銀二兩

關帝廟二一在縣治西創建無考明知縣李元調重修

乾隆二十六年知縣璋庫重修一在南門外迎春臺

明嘉靖邑人副使王浙建 國朝知縣談永祚重修

順治元年定每年五月十三日祭九年

封忠義神武關聖大帝雍正三年

封關帝三代公爵日光昭公曰裕昌公曰成忠公製造神

商州縣志 卷之三
牌供奉後殿五年 題定五月致祭外春秋二仲
月上戊日致祭乾隆三十三年奉

諭加封忠義神武靈佑關聖大帝其官建祠宇秩在祀典
若並依新號敬設立神牌以申崇奉四十一年奉
上諭關帝在當時力扶炎漢志節凜然乃史書所論並非
嘉名陳壽於蜀漢有嫌所撰三國志多存私見遂不
爲之論定豈得爲公從前

世祖章皇帝會降

論旨封爲忠義神武大帝以褒盛烈朕復於三十一
旨加靈佑二字用示尊崇夫以神之義烈忠誠海內
咸知敬祀而正史猶存舊謚隱寓譏評非所以傳信
萬世也今當抄錄四庫全書不可相沿陋習所有志
內關帝之謚應改爲忠義第本傳相沿已久民間所
行必廣難於更易着交武英殿將此旨刊載傳末用
垂久遠其官版及內府陳設書籍並著改刊此旨一
體增入禮部則例定每歲春秋仲月誦吉致祭齋一
日設牛一羊一豕一豉一釧二簋簋各二籩豆各
十鑪一鐙二殿中設一案少西北向供祝版東設

一案陳禮神制帛一白香盤一尊一爵三拜位在

階上正中質明王祭官朝服詣廟行禮儀節與

文廟正殿同祝文部惟帝浩氣凌霄丹心貫日

扶正統而彰信義威震九州完大節以篤忠貞名

高三國神明如在徧祠宇於寰區靈應丕昭薦馨

香於歷代屢徵異蹟顯佑羣生恭值嘉辰遵行祀

典筵陳籩豆几奠牲醪尙饗同日祭後殿每神位

前各設一案每案陳羊一豕一釧二簋簋各二遵

豆各八鑪一燈二殿中設一案少西北向供祝版

東西各設一案分陳禮神制帛三白香盤三尊三

爵九王祭官位殿外正中朝服行禮惟上香復位

及送神行二跪六叩首禮餘如前殿儀祝文

部惟公世澤貽庥靈源積慶德能昌後篤生神武

之英善則歸親宜享尊榮之報列上公之封爵錫

命優隆合三世以肇禋典章明脩恭逢諏吉祇事

薦馨尙饗五月十三日致祭前殿後殿惟不設籩

豆陳果實五盤餘陳設及行禮儀節視春秋祭

文昌廟在縣治東北舊名梓潼殿知縣馬國屏建邑自

祀賢宮 文昌閣嘉慶六年奉文春秋秩祀遵祭
改祀今處七年知縣武開吉典史何瀚捐俸重修
創建 先代殿

嘉慶六年遵

旨議准致祭 文昌帝君仿照 關帝廟定制列入

典以二月初三日 聖誕為春祭秋祭諷吉咸

齋一日前殿照定制恭設神牌紅飾金書 文

帝君神位主祭官朝服將事行三跪九叩首禮

祭品儀節如祀 關帝 祝文新惟神蹟著百

樞環北極六匡麗曜協昌運之光華累代垂靈

人文之主宰扶正久彰夫感召薦馨宜致其尊崇

茲屆仲春用昭時祀尙其格歆鑒此精虔尙饗後

殿神位用 文昌帝君先代神位字樣紅飾金書

祭期如 關帝廟後殿之禮 祝文新祭引先河

之義禮崇反本之思矧乎世德彌光賞延斯及祥

鍾累代燭列宿之精靈化被千秋偉人文之主宰

是尊後殿用答前麻春肅將時事用申告

潔神其格歆尙饗

龍王廟在東門內五十二年知縣單可基因東嶽廟
改建

靈壽縣志云宋興亦有五龍廟及九龍堂之所蓋
龍神之祀於古無向有之自宋始也至廟貌冕服
擬於王者特世俗從二氏之說耳

乾隆二十四年貴州巡撫周人駿請定外省龍神
祭祀日期部議照以在京致祭龍神祠於春秋二
仲月諏吉設祝版一帛一白白瓷爵三簋簋各二
籩十豆十羊一豕一鐙二鑪一尊一香盤一祭之

日主祭官陪祭官各朝服詣廟行禮如祀 關帝

之儀

祝文

部頒

惟神德洋寰海澤潤蒼生允襄水

土之平經流順軌廣濟泉源之用膏雨及時績奏
安瀾占大川之利涉功資育物欣庶類之蕃昌仰
藉神庥宜隆報享謹遵祀典式協良辰敬布几筵
肅陳牲醴尙饗

城隍廟在縣治西 關帝廟之左知縣張浚創建明

末燬於寇順治間知縣銜貞元重建乾隆二十三年
知縣陸元鼎四十九年知縣陳於禮皆重修

事物紀原秦功臣馮尙憂感於漢高祖曰奉天帝命與王傾城隍陰事故自漢以來遂為天下通祀
 明初承先代之舊洪武元年皆加以封爵府曰公
 州曰侯縣曰伯三年詔革去封號止稱某府某州
 某縣城隍之神

國朝因之

八蜡祠舊在東門外乾隆三十五年知縣阮景咸改建城隍廟大殿之東為正宇三楹門垣具其舊址即
 以給城隍廟僧耕種 祝文部頒於惟尊神實司歲功

驅螿歛騰五穀乃豐茲當歲禴虔具犧牲神其保佑惠此生靈尙饗

馬王廟二一在縣治東偏一在東門內龍王廟西

周禮校人春祭馬祖夏祭先牧秋祭馬社冬祭馬步注云馬祖天駟先牧始養馬者馬社始乘馬者馬步神為災害馬者蓋四時各有所祭明於春秋
 二仲月甲戌庚日祭今廐牧所在皆祀之

火神廟二一在南關三官廟西一在北關

光州舊志火神之祀其星曰熒惑曰心其帝曰炎

帝其神曰祝融漢宣帝時立熒惑祠唐開元禮祀
赤帝於南郊炎帝配祝融熒惑心朱鳥七宿從祀
宋慶歷中修大火祠闕伯配又詔天下崇寧觀並
建火德真君殿明天啟元年命太常寺以六月二
十三日祀火德之神

國朝康熙二年定每年六月二十三日遣官致祭

奎樓在城東南隅康熙年知縣馬國屏建

真武廟在文昌廟內

靈壽志真武蓋卽古所謂元冥水神自世俗雜

道家不經之說近於怪矣光郡通志謂卽北方元
武七宿也明洪武初建廟每年三月三日九月九
日用素羞遣官致祭

三官廟在南門外康熙二十九年知縣許全學建

三官之說起於道家以正七十月爲上元天官中
元地官下元水官今廟宇遍天下我

朝令典凡祈雨祈晴皆詣廟行香所謂能禦大災則
祀之者與

土地祠在縣治儀門外之東

光郡通志卽古所謂社神禮運命降於社之謂殺地鄭注云社土地之主也其稱蓋本於此

倉神祠在縣治儀門外土地祠前

星經有天倉六星天庾四星天囷十三星漢書天

文志胃星爲天倉其南衆星曰廩積卽倉神也

獄神祠在囹圄內

漢書范滂傳滂繫黃門北寺獄獄吏謂曰凡坐繫

皆祭臯陶是漢以來獄神皆祀臯陶也

蕭曹廟在縣治大堂之東

十祀漢鄧文終侯蕭何平陽懿侯曹參爲衙神

旗纛廟在北門外較場

光郡通志霜降日直省各府州縣於演武廳祭旗

纛司火之神

東嶽廟在縣城北七里岡康熙間知縣馬國屏建

古者諸侯祀其境內山川泰山魯望各省府州縣

祀之或於釋氏地獄之說也

許公祠在北關三里橋祀明江西按察副使謚忠節

許公達

三公祠在北關祀知縣談永祚許全學縣丞龔戴銓
賢侯祠在縣治東舊名馬公祠祀知縣馬國屏嘉慶

七年開吉重修從紳士請增祀歷任有功德於民者

知縣張浚李允恭范應賓潘曾絃盛以恒馮祖望張
光國衛貞元袁舜陰談永祚許全學林斌楊元愷教

諭曹維正訓導孫同珥典
史呂維顯縣丞龔戴銓故改今名卽察院遺址

貞婦祠舊在金剛臺老君堂久廢嘉慶七年開吉捐

建於節孝祠之右祀貞婦傅汪氏並刊其隱憂序

厲壇在北門外卽商王墓地南北五十六弓東西二

十八弓壇之北有大栢二株

禮部則例載每歲三月寒食節七月望十月朔日

祭厲壇前期守土官飭所司具香燭公服以祭厲

告本境城隍之神上香跪三叩首興退至日所

司陳羊三豕三米飯三石尊酒楮帛於祭所設燎

鑪於壇南黎明禮生奉請城隍神位入壇設於

正中香案一鑪燈具贊禮生二人引守土官公服

詣神位前贊跪守土官跪贊上香守土官三上香

贊叩興守土官三叩興退執事者焚楮帛守土官

詣燎鑪前祭酒三爵退禮生仍奉城隍神位還

祝文部頌幽明異路守土維均命折殊名求食罔

異維聰明正直而一有以作之鑒觀庶焄蒿悽愴

之情無不極其情狀爰遵定制聿舉明禋凡斯無

祀之魂俱屬有生之類為男為女姓莫紀於官商

是故是新代何稽於子丑流風嘯雨斷子姓而疇

依附草棲烟絕親姻其何託謹設壇於城北仰主

祭於尊神維茲禁烟中元之節敬備牲醴肅具飯

羹統一境之幽魂索羣靈而大亨鬼言歸也庶幾

望壇壝以知歸神之格思尙其鑒馨香而來格尙

饗

漏澤園四郊各設義地立有義塚碑又西門外義地

公宇

縣治在城之中與小伏山對明知縣張浚創建崇禎

十四年燬於寇

國朝知縣衛貞元因馬氏書室之未盡燬者捐俸重置

在今城之東北隅康熙十五年知縣葉爾茂即舊址

建譙樓儀門嗣以不給止知縣袁舜蔭建草堂三楹

旋廢康熙二十九年知縣許全學創建忠愛堂五楹

堂之下爲月臺隸人聽役之所在焉書吏辦事之所亦在焉後爲清慎堂五楹又後爲視遠樓如前楹之數樓下東西列平廡西南爲問古齋東平列六進爲課誦之地爲厨爨爲僕室又東爲馬廐大門之外左爲舖司右爲營房乾隆三十八年知縣戴如煌詳修四十九年知縣陳於禮詳修嘉慶七年開吉捐修今爲大堂五楹堂之後東西廡各三楹捲棚縱橫如十字式負堂之後有游廊四楹二堂五楹堂之後爲內宅門一楹東一院醉梅書屋三楹西一院亦三楹且南向在內宅門左不視遠樓經知縣王旭藻改建上房五楹高如樓式樓下東西廡各一楹上房之東爲內室七楹二堂之西爲花廳有山有水有草亭廳之後爲蓮舫舫之後有聽竹軒軒之西偏有忠愛堂廳之西爲浣月軒軒之前爲圓沼後爲方池東書房在醉梅書屋之東南向五楹顏曰樂餘又東南北書房各三楹二堂之東爲厨爨大堂前爲月臺臺之下爲隸房東西爲書吏房中爲戒石坊爲儀門三楹東西角門各一楹爲大門三楹卽舊譙樓知縣饒燭改建

常平倉共一百二十間在縣署東西及儀門左右知縣許全學建

義社倉在縣署大門內

卽舊志豫備倉縣丞龔戴銓捐建瓦房舊志載常

平倉順治十二年知縣陳檄建於城隍廟兩稍間

遺穀倉順治六年知縣衛貞元建於東嶽廟後閣

下層兩稍間義倉在縣東北四十里今皆廢

勸捐社倉共二十有六分建各保詳食貨

寅賓館舊在大門內今仕大堂左

監獄在儀門西周圍二十九丈垣高三丈門三重內

獄神祠一楹提牢吏房一間火食房一間男牢六間

女牢一間吏舖一所禁卒五名

馬廐在署東草房八間

典史署在縣治西鮑家巷乾隆七年典史劉漢賀建

卽順治年間縣丞署

巡檢署在牛食坂李家集距城一百四十里乾隆十

八年建

教諭署

商城縣志 卷之三
訓導署俱詳學校

商城營守備署在縣治西北乾隆十八年新建

經制外委在城無署每年知縣捐給房租銀十二兩
額外外委在關王廟汎離城九十里亦無署每年知
縣捐給房租銀十兩

陰陽醫學舊志載在衙前南街共十八間今廢

僧會司無定現在文昌廟

道會司亦無定現在南門外三官廟

養濟院在北門內草房六間門牌一座嘉慶五年
吉重建

內額設孤貧五名每名日支口糧一分遇閏加增
冬季花布銀共一兩六錢八分三釐丁地項下支
銷

普濟堂在東門內瓦房十九間嘉慶五年開吉重修
在堂貧民四十八名日支口糧銀一分官紳公置
義田一在蘇仙石一在香官畝上保共地一頃十
六畝歲收租穀按倉斗二百五十二石照依年歲
豐歉估收變價又蘇仙石園地租銀二兩又存當

生息銀二百五十兩歲收籌脩銀六十兩均支給
口糧報銷

育嬰堂在東門內普濟堂後瓦房七間

按舊志載縣治大門內東西收糧房各十三間縣

丞宅在忠愛堂東主簿宅在縣丞宅西典史宅在

忠愛堂西旌善亭申明亭在大門外東西金剛臺

巡檢司移水東崇有廳舍察院在儒學大街之東

共房二十九間今皆廢

坊里

旌別淑慝表厥宅里坊以里著里實以坊重焉商城

坊之可考者則有

雲路坊 學宮前

宣化坊 在縣前今燬

科第坊 在縣前大街東上列歷代科名今燬

興賢育才坊 儒學街東

周仁舉人坊 嘉靖壬午年立在郝家巷

吳本固進士坊 嘉靖己丑年立在北大街

石法世承天寵坊 在北門大街萬歷甲辰進士工部右侍郎

楊所修三世都憲坊

在衙西大街今燬萬歷庚戌進士都察院右副都御史

貞母在臣坊

在東門大街為萬歷丙辰進士兵科都給事中熊奮渭暨母廖氏立

孔榮宗世承天寵坊

在衙西街今燬萬歷己未進士湖廣武昌道右叅政

劉任世承天寵坊

在衙西街萬歷庚辰進士陝西靖遠道右叅政

黃綬妻王氏節孝坊

在衙門西與黃約繼妻周氏節烈坊合建

生員吳緒伯妻李氏節孝坊

在南關下街

舉人張榮宗妻陳氏節烈坊

在北關外七里岡

監生周可徵繼妻沈氏節孝坊

在北三里橋

儒士周作觀繼妻宋氏節孝坊

在南山丁家埠

儒士羅景妻吳氏節孝坊

在南太山集

儒士張世德妻洪氏節孝坊

在南長竹園

儒士張皓義妻程氏節孝坊

在南長竹園

儒士張氏節孝坊

在南長竹園

儒士洪天材妻汪氏節孝坊

在南山鶯窩

儒士馮恢女張維翼聘妻烈女坊

在門下保七里岡集南

儒士謝承恩繼妻王氏節烈坊

在校上保

生員張爾銘孝義坊

在北三里橋

儒士孫允敬妻管氏節孝坊

在北門內今燬

儒士王 程妻周氏節孝坊 在北鄉斗山寺後

州同熊學顯妻廖氏節孝坊 在儒學後建立國子監
監丞門首

舉人楊一道妻王氏節孝坊 在南門建立本宅大門
首

監生高安仁妻雷氏節孝坊 在大街建立本宅大門
今燬

儒士熊 渾妻王氏節孝坊 在衙門西建立本宅大
門首

儒士周天臣妻熊氏節孝坊 建立本宅大門首

儒士黃正萬妻熊氏節孝坊 建太下保龍井冲墳前

壽官董以文昇平人瑞坊 在余家集

里自固始分者二十有六為商城 隆溪 泰蘇

胡泰 獨山 平陂 通城 方山 石潭 人山

清溪 陽山 梅山 隆門 雙溪 和豐 官

山 南溪 仙潭 三河 三水 石塘 萬安

天山 枚溪 安城

里各分十甲明末寇蝗交作戶口消而田地蕪其現
存丁地又混隸於固籍

國朝定鼎知縣衛貞元酌其戶口之盈絀田地之多寡
一里不敷當年一甲爰併為十二里里亦各區十甲

比領保五十有四東鄉里三十二里

太水里領保五曰

東門保

東關保

天三山口保

華岩寺上保

華岩寺下保

通平里領保三曰

袁武集上保

袁武集下保

雙河保

鼎興里領保四曰

土鎮寨保

蘇仙河上保

蘇仙河下保

胡太寺保

南鄉里三

安潭里領保九曰

距城五里

距城二十里

距城四十里

距城五十里

距城三十里

距城九十里

距城一百二十里

距城九十里

距城一百二十里

距城一百二十里

距城五十里

距城六十里

距城三十里

南門保

距城十里

南關保

香官畷上保

距城三十里

香官畷下保

距城二十里

枚溪塘上保

距城七十里

枚溪塘中保

距城九十里

枚溪塘下保

距城一百二十里

太蘇河上保

距城三十里

太蘇河下保

距城二十里

隆山里領保七曰

佛南河上保

距城一百二十里

佛南河中保

距城一百四十里

佛南河下保

距城一百六十里

竹根河上保

距城二百四十里

竹根河下保

距城二百里

大木店上保

距城五十里

大木店下保

距城四十里

天安里領保四曰

天枚武店上保 距城九十里

枚武店下保 距城五十里

青白河上保 距城九十里

青白河下保 距城一百二十里

西鄉里四

河清里領保四日

西門保

西關保 距城十里

鄒家舖上保 距城三十里

鄒家舖下保 距城二十里

石溪里領保三日

觀廟舖上保 距城三十里

觀廟舖下保 距城四十里

銅井畝保 距城六十里

枚南里領保二日

通泉畝上保 距城六十里

通泉畝下保 距城四十里

仙山里領保四日

考隆河上保 距城七十里

考隆河下保 距城五十里

龍門河上保 距城五十里

龍門河下保 距城三十里

北鄉里二

官蘇里領保四日

北門保

北關保 距城五里

枚河橋上保 距城十五里

枚河橋下保 距城二十里

三豐里領保五日

南司集保 距城三十里

上石橋保 距城四十里

雙椿舖保 距城四十里

陳家集保 距城六十里

三里坪保 距城四十里

每里各有單頭主催納錢糧每保各有保正甲長牌頭主稽查保甲有鄉約主宣講條約有地方催辦公

事

集店

舊志載集店共二十有八其存者僅蘇仙市店水東寨集盛家店余家集和豐橋店南司集上石橋店而已餘悉殘於兵火百餘年間集店漸增星羅碁布徧山谷焉東鄉則有胡太寺保之師姑墩集 距城二十里 關王廟集 距城三十五里 仙上保之蘇仙市集 距城五十里 仙下保之二道河集 距城五十里 雙河保之雙河店 距城一百里 上鎮寨之洪家灣 距城一百

三十里

三山口保之鄧家集

距城二十五里

沙河店

集

距城二十五里

王家集

距城二十五里

華上保之

峽口集

距城四十里

卜家店

距城四十五里

五色堂

集

距城五十里

華下保之武家橋集

距城六十里

趙

家棚集

距城三十里

袁上保之袁武集

距城九十里

童家廟集

距城九十里

汪家岡集

距城一百里

南鄉

則有香上保之楓香樹集

距城三十里

太上保之余

子店

距城三十里

木下保之大木店

距城四十五里

武下保之盛家店

距城四十里

打船店

距城五十里

集店

三

新店集 距城七十里 木上保之中店集 距城六十里

溪上保之瓦屋集 距城五十里 四道河集 距城六十里

湯家涯集 距城七十里 武上保之長竹園 距城九

十里 青上保之關王廟集 距城九十里 青下保之禪

堂店 距城一百三十里 溪中保之南溪集 距城一百

三十里 佛下保之李家集 距城一百三十里 牛食畝

距城一百四十里 竹下保之虎堂均 距城一百六十

里 吳家店 距城一百六十里 竹上保之徐家均 距城

二百二十里 西鄉則有鄒上保之龍潭河集 距城十

里 霸王河集 距城十五里 六柳樹店 距城二十里 施

家河店 距城二十五里 鄒下保之匡家店 距城十五

里 中舖集 距城三十里 門下保之吳家河集 距城三

十里 郭廟集 距城三十五里 塔店 距城四十里 七里

岡集 距城四十五里 觀下保之汪家橋集 距城四十

里 觀廟舖 距城四十五里 銅井畝保之銅井山集 距

城六十里 門上保之余家集 距城五十里 曹家集 距

城六十里 通下保之長冲口集 距城三十里 湯泉池

集 距城三十五里 通上保之通城店 距城六十里 考

上保之三柳店

距城五十里

馮店即舊葉店

距城五

十五里

盧店

距城六十里

郭店

距城六十五里

龍王

廟集

距城七十里

北鄉則有枚上保之十里舖集

距

城十里

龍頭橋集

距城十三里

八里灘集

距城十五

里

枚下保之和豐橋集

距城二十里

新店集

距城二

十五里

南司保之南司集

距城三十里

太子岡集

距

城三十五里

上石橋保之上石橋集

距城四十里

陳

家集保之陳家集

距城六十里

北塔集

距城六十里

雙椿舖保之雙椿集

距城四十里

龍王堂集

距城三

十里

三里坪保之三里坪集

距城四十里

包家店

距

城四十五里

迎山廟集

距城三十里

凡集店七十有

四視前之存者增十之九然或十餘家或二三十家

多至五六十家而止求其休養生聚人烟輻輳為之

上者烏龍追耶

關隘

附津梁

商巖邑也迤南一帶界嶺蜿蜒若或限之在人因山

設險以資保障明史載商城西南有五水關今邑南

一百四十里有雁門山上有關關南入麻城界是為

雁門關雁門關之東有長嶺山距城一百七十里上
有長嶺關南與羅田為界東南一百八十里竹根
山盤桓二百餘里高田嶺在西北度嶺二十里為松
子關舊志云以山多喬松故名距城二百二十里又
東南三十里為同羅關距城二百四十里俱南界羅
田舊志云關與羅同故名上岐嶺在東北過嶺東南
三十里有土地嶺嶺南十里有栗子關距城二百
十里亦南與羅田界元末徐壽輝據此明宏治時董
宦亦據此光郡通志謂五水關即雁門松子同羅栗
子長嶺五關誤也許志載五水關在西南五十里界
連麻城五溪分流故名

按邑東南毗連吳楚西與光山峯巒相按綿延幾二
百里每易藏奸歷年查拏教匪防範奸回奉文相
地設卡巡邏堵禦如東路之汪家岡 固始界 武廟

集 霍邱界 桃樹嶺 亦霍邱界 土鎮寨 六安州界 南

路之黃家塢 亦六安州界 中岐嶺 亦六安州界 後

冲店 亦六安州界 東葛山 霍山界 上岐嶺 亦霍山

界 松子關 羅田界 吳家店 亦羅田界 禪堂店 麻城

界 大界嶺 亦麻城界 雁門關 亦麻城界 土主嶺 亦

麻城界 上方山 亦麻城界 西路之西界嶺 亦麻城

界 龍王廟 麻城光山界 余家集 亦光山界 觀廟舖

亦光山界 三里坪 光州界 北路之黃家棚 亦光州

界 陳家集 固始界 皆歷任曾經籌設家丁書役嚴

查妥辦之地雖其隨時更變處所各有不同然或

踞險要或扼吭喉皆可奉為成例故附志之

附津梁

官擺渡 縣北三十里額設渡夫一名工食三兩六錢 遇閏加銀三錢丁地項下支銷

龍潭河義渡 縣西十里乾隆五十五年邑諸牛黃元 勲職員熊發瑞監生李國璽劉鳳鳴等

捐錢百緡置渡船又捐田稞五十五石冊糧 三十六畝為舟子工膳之資前令楊元愷為

之記嘉慶四年監生徐文耀捐造渡船二隻 田稞五十石地稞錢二十千文

仙潭渡 監生徐文耀捐渡船一隻木橋一座田稞十 石地稞錢五千文

土潭灣渡 儒士徐士魁捐渡船一隻竹圍一處灣地 兩石五斗為舟子工膳之資

下馬河橋 縣西南十里 磚橋 縣西南十五里

院子店橋 縣西南十五里 八里岡橋 在縣南八里

楊家橋 縣南二十五里

西河橋 縣西門外

石灣橋 縣西六里

楊公橋 縣西三十里茅山下明邑 清楊惟誠建其子

官下橋 縣西北三十里

土河橋 縣西北四十里

銅井山橋 縣西北六十里

功善橋 縣北門外嘉慶四年署令覺羅普寧建紳士

吳錦含熊家祖何毓琬楊文驤黃師萬周之駒泐石紀其事

三里橋 縣北三里

木頭河橋 縣西北五里嘉慶四年署令普寧改建石橋知縣武開吉藏其事邑人黃封萬記之

廣濟橋 縣北十二里舊名龍頭橋康熙二十二年圮於水知縣談永祚另建

欄杆橋 縣北十五里

和豐橋 縣北二十里始建無考乾隆二十年邑民樊希賢重修三十九年子廷柱捐貲重鋪橋面

南司橋 縣北三十里

上石橋 縣北四十里

衛母橋 縣北六十里順治三年知縣衛貞元捐貲創建以祝母壽

兵防

邑惟元史載濶單吉思蒙古按赤互氏以其祖父虎

符授之擢中順大夫金剛臺達魯花赤 繼改餘無考

明定天下皆立衛所一郡者設所連郡者設衛外統於都司內統於五軍都督府明史兵志載河南都司屬中軍都督府有汝寧衛指揮使領之後改千戶所軍一千五百四十六名馬五十二匹千戶領之州縣推設民壯兵宏治二年立僉民壯法有司訓練遇警調發給以行糧商城馬民壯七十四名步民壯一百三十六名以巡捕官領之

明史職官志
丞簿主巡捕
聽調無事正

印官不時捺演有練總練長之目

國朝綠營皆用召募邑雍正六年以前設經制外委一

員馬守兵十五名除皂靴河金家寨長嶺關同羅關

等汛守兵六名和豐橋送文守兵一名外存城馬守

兵八名乾隆十八年題准襄城營守備移駐商城統

光光固息商五州縣汛地歸汝寧營叅將管轄建爲

汝寧左軍額設商城汛經制外委一員增設額此外

委一員駐關王廟在城馬兵九名守兵二十三名塘

汛十二處皂靴河馬兵一名守兵四名土鎮寨

即水東寨

守兵五名瓦屋基守兵三名李家集馬兵一名守兵

四名柳樹店守兵五名徐家坳馬兵二名守兵四名

關王廟馬兵一名守兵五名長嶺關守兵六名南界嶺守兵五名吳家河馬兵一名守兵四名西界嶺守兵五名新店集守兵五名和豐橋送文守兵一名共馬守兵丁九十四名凡汎地三名者營房四間五名者七間六名者九間有馬兵者加馬棚一間其官廳墩臺烟墩悉於是年創建民壯邑舊額設五十名後裁留二十名乾隆十八年改八名爲牛食畷巡檢弓兵存縣民壯僅一十二名向俱揀演雜項技藝乾隆三十一年山東巡撫崔應階條奏令直省各州縣民壯改習鳥鎗乾隆四十二年遵巡撫徐 札改六名習長鎗六名習籐牌單刀隨營揀演鳥鎗繳銷民壯之外

國初以南山餘寇盤踞順治三年知縣衛貞元團練公正兵勇王舜等五百餘名協力勦捕十六年知縣高材立爲練總名目分守四路並衙前申報在案十八年知縣衡戴天率領勦滅縣東懸劍山羣匪申報各獎賞花紅銀牌有差康熙元年知縣何之璜分爲五營冊註銃手鄉勇五百二十名捐俸製造衣帽普給

月糧免其雜差十二年知縣張宏訓奉文更換練總
名目爲鄉勇每營設老成練達一人爲之長約束衆
鎗手專捕猛獸並輪派二十一名在縣值宿防護城
池倉庫監獄每歲霜降日印官赴演武場祭旗燾同
民壯通行捺練演武場在北門外一里舊志載有積
草場在城內東岡武勝樓下射圃廳在崇福寺左養
濟院右今俱廢現在商城營疑卽射圃地也

按商爲豫省巖疆東南一帶歷朝每患爲奸人竊據
故捍禦之具視他邑尤重光郡通志載明州守杭

州陳青霞守城之法頗合機宜因詳附於此亦有
脩無患之意歟守城之法以九擊爲節未事習其
說臨事定其氣寇未至選將厲兵分五營以脩救

應 五營 主帥居中營印 叅謀三人商確提調

鄉官有 總巡巡視城之上下巡 督遊四人居四門

方畧者 爲四營衛官或佐貳 監軍四人居四城樓各督一

有胆畧者 面佐貳或鄉 堞臺 城五堞立一人爲堞長五

官智勇者 十堞立一人爲堞總每面選絕蕪人三十名爲援
兵立於適中之處以脩策應立臺長人督一臺選

臺總人督一百各以巡察佐之舉監生員其餘人有才勇者

各守一梁時時戒嚴老幼婦女供朝夕炊爨搬運

磚石 聞警 始聞警中營起炮三個集諸兵夫

治諸器械發黃旗速外居者入城遠鄉各趨避守

門者仔細盤詰遠村令各保甲盤驗寇近百里外

中營起炮七個各兵夫照汛地戒嚴靜坐各臺輪

一人登高望之如一面見寇不須驚呼但一面臺

長起黃號帶夜以燈一面報知臺總兼以黃旗向城

內點五七九城下駐隊點以寇多寡為准探子報入中營

城上兵夫俱不許窺探 一擊 寇近城三三五

五往來者不許動但一梁長援兵善射者數人散

開潛伏暗出不意發矢攢射其指揮者一人此一

擊也 二擊 寇數十有欲攻狀臺長將旗舉起

本臺擊柳數聲鄰臺柳聲齊應黃帶齊起各兵齊

立斜覷防彼暗箭不可亂擊恐費守具耗精力審量緩急

令梁長援兵善射者射之火鎗擊之此二擊也

三擊 寇三四十騎折屋伐木為攻具梁口張懸

簾兵夫整器具梁總率遊兵絕菘人發鎗矢撲其

騎此三擊也 四擊 未見寇之方仍前靜坐監軍察之寇至百騎張弓矢奮欲渡濠臺長等擺旗搥鼓再起紅帶號兵夫諸人齊用快鎗石塊間以機銃旋風炮擊之此四擊也 五擊 寇千餘束芻裹袋填濠來者柳鼓急作整治懸石衝木臺總梁總等督絕菟人鎗箭礮石齊打俟填小半用火箭一窩蜂焚之或飛鐵鈎提之此五擊也 六擊 寇填壕平舉矛衝陣者摔鉞一通金鼓齊鳴梁口挑出懸簾柄牌一齊敵打於寇稠處用倒炮灰

瓶炸炮投石一窩蜂飛鐵鈎盡力擊之臺總臺長督臺兵協力防守從旁射擊攻東西面則南北夾擊攻南北面則東西夾擊此六擊也 七擊 寇頂門及諸物來者立大滑車礮石衝木擊之大銃旋風炮摧之或灑膏油火藥鐵汁噴火燔之張皮帳來者長鈎揭之膏油等物焚之大石大木擊之 穴城 繇地道穴城者以甕聽之城內立重城禦之爲牛革洞子赴城者以石衝木斷之以懸鐵火床燒之 鈎桿 爲尖頭木驢若洞者撞木撞

之燕尾炬燒之持鈎桿鈎陣者一面射打一面摔
鉞一通紅旗向內急點一面禦以推杈月牙拐挽
以操鈎劈以大斧鈎碎自無力欲拽去者詐爲攙
奪俟力極放而跌之雲梯寇立雲梯來攻者
俟至五六十步火箭焚之大銃摧之一面立椿縛
撞竿用月牙拐頂住撞之挑燕尾炬焚之登城
鈎竿有拒頂不及致附垣攀緣而上者無論衆
寡放開心胆極力拒打懸鎗戳搗望其頂以大刀
大斧斫殺判手斧大鑊斫其手指鄰梁鄰臺擊其

擁衛之寇此七擊也 八擊 凡打死一寇或敵

退一計卽鳴角一通以鼓士氣而安衆心寇敗過

濠鼓角齊鳴鎊石交下衆齊大喊作欲追狀以迫

之此八擊也 九擊 寇詐退復回攻者急摔

矧前併力敵打寇畢渡臺長低旗鳴鈺三聲鼓

點鎗炮矢石善者間發此九擊也 休食 寇去

遠令瞭者升高望之俟不見然後旗定鼓止落號

帶各兵坐息柳間一擊各一人輪望黃旗向內坐

傳食凡食皆問一人輪下就食城脚中營發犒勞

稽功 交戰時兵夫人等專心禦外巡視官生
 執藍旗督戰有不力者計之有功者或傷寇或敗
 寇或破寇計之鳴銅角一聲給與各票 防敵
 戰前戰後寇有講話者不許私自回諾報與監軍
 一回應他一面報中營一面傳令別面隄防暗算
 正戰寇忽奔別面者本處炤舊拒敵以防詐我
 禦火 交鋒之際城內偶有火燭及喧譁者自有
 火甲及游兵料理不許回顧卽有奸細內應不遇
 數人自有中營及各駢隊游兵捕捉亦不必動

夜戰 夜戰燈火懸外半城間縛燕尾炬投下燭

寇並用爲炤城上不可張燈燭 分番 寇將來

及去未遠夜間守城分番歇息警夫往來巡察交

戰亦須輪替

附刻救命書

甯陵呂坤新吾氏著

城守事宜

一縣父母當平居無事宜先將本縣鄉居士民作有柄
 手牌式一面寬六寸長一尺二寸白粉油面每家照

樣做來上書本家某人年若干歲面色紅白有無疤
麻男幾口孫男幾口官票字樣各家領去待聲息將
近四面各照四門進入守門官吏於門外照牌點查
婦女只驗兩足若有面生之人牌上無名或年貌不
同卽時擒挐送審以防奸細夾雜進入爲賊內應
一城外居民年五十以下十八以上各以方面分記姓
名於城堞粉壁之上以備臨時各認信地此事倉卒
做不得須預安排

一城門將閉之時守門官將城中流來閑人仔細搜索
除各家正身及有力家僕深信同心者不妨留用外
其餘三年內寄住傭工作僕及老幼不堪費人養活
應逐出者盡數逐出蓋賊欲攻城每每先托心腹之
人與傭工作僕探聽消息默觀道路預備開門發火
放監師伍之陷歸德可鑒已賊無內應雖開門不敢
徑入此守城第一緊要者慎之慎之

一本縣倉積須有穀豆二萬石以上方爲寬綽雖遇凶
年人不至相食決不可一半在外卽放在外許借不
許賑救死不救饑卽借春出秋必收卽收利必加三

還縣倉名爲預備非但救荒年也城一被圍缺食五日豈能食紙煮靴羅雀掘鼠哉安慶緒據邯鄲郭子儀與九節度圍之城食盡一鼠值錢四千倉廩萬分要務此圍城第一緊急者但遇小民告賑衙蠹開端一時申請賑借放出再不催還到那兵荒馬亂之時百姓死活誰能相顧但遇小饑中饑之年上司輕動倉糧本縣士夫不可不以此意強止之萬曆甲午春斗粟百錢江夏劉初陽父母以失意去任猶丁寧云無開倉署印吳二守至在官三月不敢指言却將

倉穀六千盡散於人甚者饋送縉紳不分貧富倉廩一空奸貪小人十分權喜明年大饑人相食穀至今未完余紀之以志感恨

一城中寺廟空閑之地或有甜水之泉務須添井三五十眼以備城上城中緩急之用

一賊入境先搶鄉村一則燒燬房屋姦污婦女二則殺其老幼三則搶其財帛糧食資其供給食用四則驅逼丁壯男子攻城鄉村集店之人既無山庄又無地洞何處逃生若賊在五七百里外聽得聲息速諭鄉

民早將家中用度糧食柴草牲口家火箱櫃盡數搬入城中不止救了全家老小賊見四野無糧豈能四五十里外搶別縣之飯食攻我縣之城池哉即使鎗房埋害不過爲窮人掠搶之資一入城中誰能救久圍之性命乎早見豫待清野招民在敏果之縣主耳若催到不從門閉不許放入

一富足人家聞有聲息將各庄積聚收入城內城困之時但有不足者不分親疎除自己足用外盡數借貸與人救緊急之性命百倍陰隲借衆人之精力萬分

保障仍將所借記一簿籍令本借親筆畫押人有良心得命之後誰不補還如不補還者官爲加倍追償決不相負不然自己亦不得受用也

一賊一近城四關民居先受其害房屋得折毀者自行折毀可焚燒者送入城中賊去之後尙得再葢若舍棄以爲賊資彼折其梁檁填架海壕取其草束攻燒城門內外不便古人守城先將城外積聚一切焚燬正恐借資也萬萬無忽

一父母官爲主守居中調度城上分爲四面一面守正

一人守副二人俱以佐貳丞尉或大小鄉官舉監老
成練達執法嚴明者爲之處斷一面之事練成民壯
二十人督率城衆教演守法守城原是軍法欲救一
城性命難做一些人情主守須借之威權以便行事
竟緩柔懦避事徇情之人決不可用蓋一面稍疎三
面鉅巖何救於一面之失一城萬口之命付於守城
之人守城數千人付之十數個守者何等關係可不
擇人

一賊之攻城也有七乘乘我之倦如日夜勞苦神疲力

竭之類乘我之怠如日久心安官不戒訓民不恐懼
之類乘我之忽如風雨雪夜賊遠賊稀思想不到之
類乘我之無備如兵刃不利矢石不足火炮缺乏之
類乘我之疎如城有單薄地有平陂外有攻衝之資
內有不備不具之類乘我之緩如往日遲心怠意一
時招架不及手忙脚亂之類此七乘者城之安危所
係不可不慎也

一賊在城外屯聚以逸待我之勞以飽待我之饑以甯
耐挫我之銳以優游懈我之心聲言解圍以安我之

意聲言增兵以寒我之膽乍動乍靜以疲我之精神
緩進零衝以耗我之氣力忽散忽聚以老我之智謀
築壘增柵以示彼之持久我意已定一切勿動內門
雖閉須留甕門不時開閉練就敢死士三五百人重
加賞犒三更以後我軍與賊一樣打扮自有暗號乘
其困倦密砍其營放大炮烏砲令其驚起自相亂殺
吹角聲而散五鼓點名令隊長認進謂之鬼兵鬼兵
三兩行賊已防備後却用排燈將炮烏砲佛郎機
前棘大撓擾之若有積聚乘順風用油薪縱火焚之
如此三兩番賊自不能存也其委曲不具詳

一賊欲攻西先在東面熱混撤得人護東門則西面必
鬆他却一枝兵乘機一擁自西登城謂之聲東擊西
聲南擊北聲豎擊夜聲晴擊雨總是出其不意攻其
無備八個字耳兵法擅離信地一步者斬城上之人
分定人數各照粉壁日夜防守不許越過一梁面目
只向外邊看城下賊如攻東雖十分緊要三面之人
安定不移城中有遊兵多者千人少者六七百人最
少亦不下三四百立一中軍統之常在隅首屯聚以

防策應東面緊急放大炮三聲南面緊急擂大鼓西面緊急撞鐘北面緊急鳴鑼遊兵火速向緊急之方齊力防護一千者分爲兩應以備兩面受敵六百四百人少難分看賊勢緩急緩者六百四百亦可分爲兩應急再行催促全調專守一面極力防護若更有餘人一城樓屯聚三四百賊急而人不足再調一枝似更便也

一每五十人用有身家精壯勤謹男子二人作爲巡警亦令分番歇息但查有怠惰豪強執拗敗羣之人違

亂紀律者報知守正轉報主守甚者以軍法從事如

有寬縱通同一例治罪

一每梁定一要二人鄉縣各一預寫梁上一人歇息喫飯

解守一人常川瞭望昔劉大王守甯陵時令其甥在西北隅凝目外望不許回頭其甥回頭內顧王卽斬首示衆守城四十日無人敢犯城賴以全

一城上夜間最要安靜無聲以聽賊之消息四城門俱有更鼓每交一點放砲一聲高聲人大叫一聲云大家小心城上衆人齊喊一聲餘時俱不許動一些聲

色使賊不得以掩彼之形聲探我之消息也

一懸簾萬分緊要或毡條褥子亦可兩角綴兩鼻掛於梁邊勾頭釘上中間亦綴兩鼻將丁字木棖入鼻內丁脚轄於梁口之斜坎夜臥則取以蓋霜露晝懸則取以招砲箭丁木棖柱高下隨便下闕登城之賊

一夜間城上燈籠萬不可無但懸之梁口是我在城上不能看暗處之賊賊在城外却能見明處之我只可用油紙懸燈繩於城下離地八尺以觀賊之遠近

一旗幟按四方顏色每十梁樹一竿竿高梁三尺臨時用婦人裙幅鋪蓋表裏皆可

一守城男子務要十分飽煖婦人小口但不餓死足矣

一知城圍到幾時男子日夜要氣力精神萬萬不可忍饑受凍也

一城上鍋竈不便城下各照所分人口二十人屬一火頭一日三飯早飯麵食下哺乾飯三更時麵食火頭各照所管之人以器盛飯城上人用索拔取每盞菜總一盤有送私食者不禁

一兵貴如山千搖不動百震不驚庶乎賊智自窮我守

可固昔曹成攻賀州日久不下忽有一人登城大呼
曰賊登城矣守城之人滾下城來賊遂登城原來
只是曹成用了個耗營計一人訛言萬人驚走以後
守城丁寧此令但有一人謠言惑亂人心者守城之
人寸步休移抵死莫動只將謠言之人與先動之人
當卽斬首懸在高杆示衆

一賊窺城根常頂棹子門扇須用捶帛石磨扇下擊之
或用油索縋下油薪焚之如果剜窔不止當記對
窔之處將心穿透內城穴邊備五千餘人執利鎗快鎗
鳥礮打之或用積薪當穴續添不斷令不可入

一守城之人城上作穢屎尿盛一木桶或缸或甌賊在
城根以糞筒噴之或劈頭澆下令其徧體且城滑亦
不可上

一守城緩急應用之物偶有缺乏何處置買凡城中大
家小戶果有收藏爭先送出父母官卽記一簿各家
器物各記一號事甯之日除義施外照其原數或領
價或還物必不相負若奸吝不與致悞大事賊一入
城汝父母身家妻子尙不知屬之何人況財物乎石

州張鄉宦家興化各鄉宦家可爲萬古千年悔禍之
鬼矣

一城東南無池而地寬平可容萬寇守此面者人須倍
於三面而委任擇有膽有智之人以統率之或縣主
坐鎮此面不然此處失機三面雖堅無救於敗矣
一賊至城根扒城窀城守槩之人只用礮石灰瓶糞箭
之類箭不得加全憑墩臺箭手兩下交射故墩臺只
可五十步一座今旣太稀須用有力量挽強弓發勁
弩者守墩臺否則遠不相及矣

一守城之人見賊遠處放箭卽以草人當之可收其箭
切勿張弓對射對射何益賊到城根下用梯扒城也
不須動手只等兩手爬住城口奮力用鑿斧見手則
斷其手見頭則斷其頭此是要緊一着勝敗關頭手
眼萬分留心不可遲緩一刻其餘任他千轟萬亂吶
喊搖旗只要眼力觀看不可一毫動心此箇筋節譬
如生產雖腹痛下迫產婦聽其自然全休使一些氣
力待兒頭向下努力要出毋就其力一努則生矣近
日坐婆一見努陣便勸使力不知早一刻不得晚一

刻不得使力既早不但逼兒橫倒迷失庭門到將產
用力之時却反無力奈何

一守城必用之人

鐵匠 木匠 泥水匠

紙札匠 裁縫

編竹匠 練成民壯

必用之物

羊油 檣油 燭

一鎚斧

斑苗

焰硝

草人

柳灰

四門將軍砲

連滾架枕坐 丁字架

碎磚石

石灰

石炭

大杆

圍杆

板

棘針

長鎗

捍衛火車每門

狼筈每門

塔鈎鎗

鉛鐵子

以上係官備

雜糧

燈籠升口大斗口大

穀亂杆

席

簞

麻

弓

箭

鐵掀

杵頭

雜柴

捶帛石

草苫

屎尿桶

水缸

高牌紙

筆硯墨卓

眉齊榆槐桑棗棍

鐵以上係民備

瑯置

國初走遞驛馬十五匹草料工食銀三百六十兩遇閏加銀三十兩走遞夫皂二十名工食銀一百四十四兩遇閏加銀十二兩康熙年裁留馬四匹夫一名乾隆二十三年十二月內奉文裁馬二匹夫一名現存
在槽馬二匹每匹每日支草料銀五分歲共支銀三十五兩四錢遇閏加增歲支鞍屐銀二兩八錢七分

馬夫一名每日支工食銀四分五釐歲共支銀一十五兩九錢三分遇閏加增丁地項下支銷舊志載舖遞東北達固始者三曰南司舖曰高岡舖曰陳家集舖西達光山者五爲龍顯岡爲五里舖爲張牌舖爲中舖爲觀廟舖爲貢家橋舖今悉廢北至光州界六十里設縣前總舖一舖司兵四名十里舖一枚河舖一枚山舖一雙椿舖一椿溪舖一舖司兵皆二名各相距十里以達於光州江家集共舖司兵十四名歲支原額工食銀六十三兩遇閏加增銀五兩二錢五

分丁地項下支銷惟縣前舖四名每名照額支給銀六兩餘十名每名支給銀三兩九錢不敷食用外捐置公田二十八畝有奇分派各舖佃種歲收租稞以資贍養詳咨

戶兵

二部存案

共四各十里餘一畝而餘

按民爲邦本本固邦寧帝王歲有興作凡以固民也古者掌固之設時其築鑿祝史之致告以和豐宮室之奉必卑里黨之人必式而且市集以通其財保障以防其慝兵以衛之有不虞之戒也邇以通之無不達之情也如此然後可言建置所謂以逸

道使民擇可勞而勞之也邑之在今日建置亦云備矣惟沙土浮鬆城鮮十年之固人烟渙散民無鄰里鄉黨之聯固民之道守土者尙其熟籌而加之意焉

商城縣志卷之四

知商城縣事榮河武開吉纂修

食貨志

戶口

田賦

稅課

積貯

鹽法

蠲賑

恩賚

洪範三八政一曰食二曰貨蓋食貨者養生之源也
民非食貨則無以為生國非食貨則無以為用是以
古之善治其國者不能無取於民亦未嘗過取於民
其大要在乎量入為出而已漢唐宋明以來其立國
之初亦頗有成法及數傳之後驕侈生焉往往取之
無度用之無節於是漢有告緡筭舟車之令唐有借

商稅間架之法宋有經總制二錢明乃加賦重征礦
稅四出皆培民以充國卒之民困而國隨之我
朝經費有常取民有制商城於順治三年後免荒地至
三千四百餘頃丁糧以康熙五十年編審冊爲準
後永不加賦於戲休養生息可謂至矣他如邑之稅
課積貯鹽法一切皆有定額可稽可循又况

國家重熙累洽

聖聖相承其間蠲免賑恤優賚耆民更出於經制之外乎是
宜併紀以見

朝廷之德意矣作食貨志

戶口

見在丁隨地派者凡九千二百六十有四以康熙五
十年丁冊爲額續生人丁永不加賦雍正四年

允巡撫田文鏡之請各邑丁糧均派各邑地糧之內無論
紳衿富戶不分等則一例輸將自雍正五年始又乾
隆三十七年停止五年編審之例其戶口按每年烟
戶門牌造報計編審以前舊志之可考者順治二年
僅存丁一千八百八十有七乾隆二十二年滋戶三

萬六千九百有六十口一十二萬九千四百六十有
九其自乾隆三十七年至嘉慶七年滋戶至三萬九
千二百六十有七口一十五萬一千五百五十有九
內分大口一十萬七千六百三十有八小口四萬三
千九百二十有一視萬歷間戶增二萬有奇口增九
萬一千八百九十有六視成化十一年分縣時戶增
三萬八千一百有九十口增十三萬有六十四嗚呼
盛矣比戶三等曰民曰軍曰匠商城無軍糧確冊載
匠價九錢五分乾隆二年准

部覆就一邑均派其每地糧一兩者攤匠價銀六絲
四忽六微一纖三沙六埃六塵三灰一條鞭法也

按商析於固固志載丁分上中下三等等分上中下
三則丁糧之差凡九商城丁則舊志不載該房文
卷亦散佚不可考是蓋自丁歸地派以後小民忘
徵求津貼之苦不識不知其來有自乃近習相沿
猶有造報時索取門牌陋規者開吉廉訪得實亟
爲嚴禁因思停止五年編審之例其所以杜滋擾
者意深且遠也

田賦

明成化十一年原額地六千五百二十三頃一十七畝四釐六毫二絲原額並加價共徵銀二萬五千四百五兩九錢七分一毫三忽二微六塵九埃五渺萬歷四十八年每畝加增九釐共加銀五千八百七十九兩八錢五分三釐四毫一絲五忽八微連原額共徵銀三萬一千二百七十六兩八錢二分三釐五毫一絲九忽六塵九埃五渺遇閏加增銀四百六十兩九錢八分八釐五毫九絲其起運之數有折色原額銀二萬四千三百九十九兩八分一釐有奇有各部本色原額共銀三百九十一兩八錢三分六釐有奇其存留支解及協濟分撥之數原額共銀六千四百九十五兩九錢六釐有奇

國朝順治二年僅存熟地五百二十一頃八十畝三分六釐實徵銀七百九十九兩一錢八分四釐六毫一絲七忽四微順治三年巡按甯題准除免荒地四千一百三十六頃七十四畝五分八釐一毫二絲實徵熟地二千三百八十六頃四十二畝四分六釐五毫

又康熙二十五年官兵墾地七十七頃五十七畝八分四釐九毫又康熙二十七年勸墾民地二頃四十五畝八分九釐九毫又自康熙二十八年至雍正十二年續增熟地五百七十八頃七十畝一分三釐二毫又雍正十三年報墾老荒地六頃七十九畝六分九釐除乾隆元年奉

旨豁除冲場民地三十六畝七分見種行糧成熟民地三千五十一頃五十九畝三分三釐五毫康熙八年新收

更名即明崇府藩地原額地二十五頃八十五畝四分二釐

六毫內除荒地一十五頃二十二畝三分八釐一毫

已種成熟地一十頃六十三畝四釐五毫二共民田

更名見種行糧成熟地三千六十二頃二十二畝三

分八釐照賦役則例每畝派征銀四分八釐一絲六

忽九微三纖二沙三埃一漠通共實征正供雜辦加

增九釐起存本折扣解停免並補征顏料丁匠等項

正銀一萬四千七百三兩八錢六分遇閏加征銀二

百一十六兩四錢六釐實征耗羨每正銀一兩加征

一錢五分共征耗銀二千二百五兩五錢七分九釐

遇閏加銀三十二兩四錢六分九毫

[按舊志徭役內起運存留各款多與見在奉行不合

查有順治十三年康熙四年八年十四五年二十
六四十五等年並雍正七年乾隆四年新舊裁解
之項且雍正八年爲請復 文廟祭銀等事案內
祭銀補額雍正十年爲遵

旨議奏事案內民壯工食加增補額乾隆元年遵奉

上諭事案內教職增添全俸乾隆三年遵奉

上諭事案內各役工食銀兩不扣荒缺照額全支存留不

敷俱於丁地起運項下補給乾隆六年爲請酌祭

銀以光祀典事案內各壇廟祭祀均勻派定額數

銀如有餘剩解司充餉如有不敷在於丁地起運

項下補給嘉慶六年奉文祀 文昌如 關帝例

祭銀在丁地正銀內支銷該房文卷散失而每年

所頒確冊亦有未經更正之處其裁解補額加增

等項勢難逐款分別開載惟就見在實支實解奏

銷確數於正耗銀內各列起運存留如左再解支

各項舊例准將每歲額徵加墾丁地等銀就近扣

解扣支餘銀方解藩庫乾隆五十二年奉文將河夫漕折二款就近扣解餘銀盡解布政司庫再行分款領支嘉慶五年奉文其應行扣留者仍准扣留如舊

其正銀起運者十一扣解河道河夫銀三百二十一兩四錢五分五釐 一扣解糧鹽道隨漕米價銀十九兩五錢五分九釐 一解司裁扣夫馬工食銀十六兩二錢 遇閏加解銀一兩三錢五分 一解司裁馬二匹草料銀三十六兩 遇閏加解銀三兩 一解司裁半鞍屨銀二兩

八錢七分 一解司夫馬小建銀八錢七分 一解司鄉飲二會銀一兩七錢二分二釐 一解司更名銀五十兩九錢七分三釐 遇閏加解銀七錢七分 一解司撥協改解銀三兩四錢八分八釐 遇閏加解銀一兩六錢四分九釐 一解司丁地正銀一萬三千一百五十二兩三錢三分

遇閏加解銀一百五十一兩一錢零一釐

正銀存留者四十有一 一修理 文廟銀二兩四錢六分 一 文廟祭祀銀四十兩 一 關帝廟祭祀銀四十兩 一 文昌廟祭祀銀二十六兩六

錢六分六釐 一社稷壇祭祀銀七兩三分八釐

一山川風雲雷雨城隍壇祭祀銀十兩五錢五分四釐

一八蜡祠祭祀銀二兩三錢四分七釐 一商

王墓祭祀銀三兩一錢九分八釐 一厲壇祭祀銀

八兩七錢九分七釐 一採辦黃蠟銀四十二兩二

錢六分運脚銀四兩六錢八釐 每年戶書採辦黃蠟二百七十二斤解省

交委員彙收解京 一知縣額編俸銀一十一兩六分九釐

一教諭額編俸銀四十兩訓導額編俸銀四十兩

一巡檢額編俸銀七兩七錢五分四釐 一典史

額編俸銀七兩七錢五分四釐 一廩生二十名連

膳夫歲共支銀九十六兩 遇閏加銀八兩計日扣筭空缺解司 一知

縣額設門子二名工食銀十二兩 遇閏加銀一兩 皂隸十六

名工食銀九十六兩 遇閏加銀八兩 馬快八名工食銀四十

八兩 遇閏加銀四兩 馬快喂馬草料銀二十一兩二錢五分

三厘 遇閏加銀一兩八錢三分六釐 民壯十二名工食衣械銀九十

六兩禁卒八名工食銀四十八兩 遇閏加銀四兩 轎扇織夫

七名工食銀四十二兩 遇閏加銀三兩五錢 斗級四名工食銀

二十四兩 遇閏加銀二兩 庫子四名工食銀二十四兩 遇閏加銀

二舖司十四名工食銀六十三兩遇閏加銀五兩二錢五分渡夫

一名工食銀三兩六錢遇閏加銀三錢馬夫一名工食銀十

五兩九錢三分遇閏加銀一兩三錢五分驛馬二匹草料銀三十

五兩四錢遇閏加銀三兩鞍屛銀二兩八錢七分一儒學

額設門斗二名工食銀二十一兩六錢遇閏加銀一兩八錢齋

夫三名工食銀三十六兩遇閏加銀三兩喂馬草料銀二兩

九錢五分二釐一巡檢額設皂隸二名工食銀十

二兩遇閏加銀一兩弓兵八名工食銀四十八兩遇閏加銀四兩

一典史額設門子一名工食銀六兩遇閏加銀五錢皂隸四

名工食銀二十四兩遇閏加銀二兩馬夫一名工食銀六兩

遇閏加銀五錢一養濟院額設孤貧五名口糧銀十七兩

七錢遇閏加銀一兩五錢又冬季花布銀一兩六錢八分三釐

耗銀起運每年解司耗銀六百四十五兩五錢七分

九釐遇閏加銀三十二兩四錢六分九毫

耗銀存留知縣養廉銀一千二百兩公費銀二百兩

巡檢養廉銀八十兩典史養廉銀八十兩

按明季獻逆蹂躪三至商城被禍慘於他邑

國朝知縣賈鍾琇稱為田土鞠為茂草人民委骨溝壑

者也順治三年黃檗山土寇又肆猖獗而商城之民無子遺矣迨後多方招集撫綏

聖恩寬大除荒徵熟又復軫恤民艱下

令有司民間報墾者十年不起科盡革明季助餉練餉諸

稅政刊頒賦役全書地丁則開原額若干除荒若

干原額以萬歷刊書爲準除荒以覆奉

諭旨爲憑其徵賦之制凡丁匠折色等項盡歸一條鞭法

力從簡易卽如耗羨一項屢申

與命以爲可減而決不可增可於額內從寬而斷不可於

額外多索

列聖相承躬行節儉徭薄賦念切民依人蒙樂利之休家

享盈寧之福豈獨商城也與哉

丈量則例碑記

汝寧府光州商城縣爲兩河丈量已竣冊報多虛乞賜詳覆以崇實政事

承奉本府帖文抄蒙欽差撫民右叅政兼按察司僉

事王劄付抄蒙欽差巡撫都御史褚案驗准戶部咨

前事仰縣官吏照依帖文備奉劄付咨案覆奉欽依

內事理除將今議均定州縣衙門官民軍屯地糧並

今奉欽依田糧實數照司府州縣衙門所次序列成書呈
撤先地後糧本司委經手員役磨筭候刊刻成書呈
院咨部及該科備照外卽將見今清丈地糧實數刻
石公堂永爲遵守等因奉此遵查先奉司府劄帖蒙
撫按兩院案驗各准戶部咨爲丈田畝清浮糧以蘓
民困事當該本縣知縣李周策查得商城一邑自成

化八年於固始縣分出彼因山高地瘠田地澆薄雖有上中下三等概以小畝二畝五折算一大畝攤派原額稅糧總撒相符自嘉靖四十年清丈以來節年輸納並無失額伏祈照舊免丈由詳布政司並巡守兩道暨本府去後隨奉司府劄帖蒙巡撫都御史褚批據本司呈蒙本院案驗准戶部咨亦同前事計開一免丈處所坐委本縣知縣清查照例各給由帖執照徑自印給各人戶收領查明造冊申報等因奉此又該本縣知縣李周策復將本縣田糧挨里順甲悉照成化年間定例小畝二畝五折算行糧地一畝逐戶清查共地六千五百二十三頃一十七畝四釐六毫二絲內有坐落固境者俱照田地條段折畝數目四址抵界填完由帖執照徑給各人戶收領訖為此脩造清冊申憲查奪隨蒙各憲批允免丈取具印給存案等因奉此除將地糧折畝實數具結申送外合行遵奉院文刻石公堂永為遵守施行萬歷十年壬午季冬月吉日賜進士第文林郎知商城縣事吳江李周策縣丞權可大典史胡本主簿缺

順治二年知縣賈鍾琇碑記

為除荒征熟事照得商邑山瘠之區痛遭賊寇

張獻忠三次破城焚戮殆盡本縣下車一望荒烟遍地瓦礫田土鞠為茂草人民委骨溝壑何嘗有成熟之地欣逢興朝定鼎百度維新正與爾民共相勸勉彼此招來陸續開墾以享昇平不意視事之初即奉文清查熟田蒞任茲土者敢不報某開征若必候爾民開墾之後方行申報是商城一邑阻撓院文何人敢任其責且不知爾民何年纔得開墾屢經示諭無如東竄西逃無一人至公所會議又無冊籍可稽僅有萬歷十年碑文一道云係二畝五折算一畝設若奉上駁查既無舊冊又無昔年老吏士庶可以諮訪兼之南鄉小醜不時出沒二三子遺驚魂靡定臨時何以回覆自奉上文催檄如雨刻難延緩今將二十六里暫報成熟地五百二十一頃八十畝三分六釐俟地方大定之後搜訪舊冊另將折畝確數具文補報此時賊寇近城不得不從權結案勿謂本縣與爾民痛癢不關也為此示諭闔縣士民人等一

體遵照如不信服卽刻石以俟異日開墾後逐戶清
算各宜諒之須至示者

順治四年知縣衛貞元碑記

為清丈熟田均平里甲
事案照順治二年除荒

征熟商邑二十六里止報成熟地五百二十一頃八
十畝三分六釐彼時土寇猖獗前任賈不暇丈量朦
朧回報觀其二畝五分折算行糧地一畝係明時舊
例見有碑文乃不當年申報填入由單遲至順治三
年土寇破城上無官下無民按憲無由而知商邑有
折畝之例遂致遺漏未題本縣雖欲補報上臺豈為
商城一邑特疏題請勢力吾所不能然國賦關係民
生不得不酌古準今較立良法以垂永久今將二畝
五分解算一畝之數按畝定弓該弓七尺九寸五釐
六毫卽以七尺九寸五釐六毫作一大弓便是一畝
更屬簡便為此示仰闔邑軍民人等知悉俱按所投
冊籍豎立墩椿擇於本月初四日開弓丈量至
於下十三里之田為固民所隱者自當申請上臺使
固民入商認糧爾等不得以此藉口有悞丈期丈畢
卽將大弓貯庫勒石以垂久遠立等申報下年開墾
數目均里征輸慎勿遲悞須至告示者 弓尺式
以此尺量五尺便是小弓舊例丈二畝五分解算一
畝以此尺量七尺九寸五釐六毫便是大弓丈一畝
卽是一畝
不必折算

康熙二十八年知縣許全學詳

為祈憐凋殘之苦俯
察荒蕪之累籲憲批

照汝屬則例一視同仁以廣鴻恩以甦民困以免偏
累事蒙本府批據商城縣紳衿周鵬等呈前事呈稱
商邑地畝用五尺弓口以二畝五分解算一畝每畝
起科徵銀四分八釐歷來無異至康熙十六年因吳
逆猖亂運需無出加徵地畝丈量不敷遂減弓口以
二畝三分五釐折算一畝十餘年來偏重為累然弓
口既減於舊例銀數一仍乎往規若不急為請命將
來必至流亡汝屬十四城同為 國壤內七處如汝
陽地畝用五尺弓口以三畝六分解算一畝徵銀四
分五釐外七處如息縣地畝用五尺弓口以三畝六

分折筭一畝徵銀四分二釐商邑銀數既已四分八釐即照舊例二畝五分折筭一畝較別縣已重若仍二畝三分五釐折筭則尺數愈短銀數愈重予子窮黎其何堪命懇照汝息折畝永免苦累等情呈府蒙本府何批仰商城縣查議報等因蒙此該商城縣知縣談永祚看得商邑萬山環拱水洶沙飛地皆倚岩傍溪變遷不定極其磽瘠更薄收成會遭明末兵燹之後田野荒蕪人丁僅存七千五百有零行糧之地共二千三百八十餘頃每畝四分八釐起科徵銀一萬一千四百有奇地荒糧累民生弗遂原非一日矣茲蒙撫憲嚴查隱地許令自首免罪造福生靈誠屬千載一時之會卑職遵集紳衿士民叮嚀勸首祇緣商邑丈量五尺弓口向係二畝五分析筭一畝歷年已久自康熙十六年清查隱地患數不敷遂以二畝三分五釐折筭一畝相沿至今今奉文清查在紳衿人等不無急公好義之心皆憚畝數短少糧額依然大家畏縮逡巡一任長吏大聲疾呼而闔邑莫之響應良有以也今職監生周鵬等援比汝息二縣三畝六分析筭一畝之例籲懇憲恩此係人窮則呼天疾痛則呼父母之意卑職躬膺民社久已痛心疾首但未敢冒昧申請今蒙鈞批查議敢不悉心敷對查汝息與商均在郡屬之中汝息以三畝六分析筭一畝行糧不過四分五釐商邑以二畝三分五釐折筭一畝行糧反有四分八釐偏累不均委屬至情但欲照汝息三畝六分析筭之例為商民請命下吏亦未敢輕瀆如必以二畝三分五釐折筭之規不為變通則墾地終鮮首報之期官民兩受其累莫若仍復二畝五分析筭一畝舊有之例永著為令則紳衿士庶咸知各名下有無可以據實首墾爭先恐後而在闔邑頂戴憲臺鴻仁當與海嶽高深矣下吏未敢擅專統候廉批遵行批如詳照舊例行

康熙二十九年汝寧府何牌文

為請頒弓尺以清隱地事康熙二十九年

十月初十日蒙河南布政使司憲牌據羅山縣申請部弓清查欺隱詳出到司據此除詳批該府外案

查順治十五年九月內先蒙巡按李行奉部議丈地成規臣部於十二年八月內題覆工科右給事中晉淑軾為謹因清丈地土請頒步弓以一王制事疏稱各處地畝大小畝等則不同其丈量繩尺查照舊行規例不得意為盈縮覆奉 俞旨允行不必另議等因遵行在案又於順治十五年十月內奉部議科臣尙九遷與康熙四年四月內 部議科臣史彪古題請另頒畫一弓尺俱經 部覆遵照順治十二年科臣晉淑軾條奏仍用舊行規則不便另頒弓尺俱奉 旨遵行在案今各屬俱已恪遵 部文仍用舊行規則間有不諳混請部弓者本司從未發給今羅山縣既有庫貯程尺用之年久即可為準何得又請 部尺致滋盈縮擬合行府轉飭等因蒙此擬合就行通飭為此牌仰該縣官吏查照通飭情節如有首告欺隱地畝遵照前奉 部文仍用該縣舊用程尺將所告地畝丈明定議申報不得概為通丈致滋擾累此原弓尺必有定立碑記弓式務須稽考較對相符畫一遵守毋許私行截補增減一體遵照勿再混請瀆擾未便速須至牌者

康熙二十九年縣丞龔戴銓呈

為申明丈量舊例以遵守以垂永遠事

據闔縣紳衿熊奕久洪郁等呈前事呈稱商邑地糧小弓折畝之例舊有古碑大弓不折之例亦刻石已久懇遵司府來文賞示申飭俾大小二弓並存不悖等情據此該卑衙看得商城一邑建自成化八年山荒土薄田地石集以五尺弓口二畝五分折筭行糧地一畝嘉靖四十年清丈足額萬歷十年為兩河丈量已竣等事奉巡撫都御史褚批將清丈折畝實數刻石公堂永為遵守明末流寇張獻忠破城人民殺戮房舍灰燼冊籍無考惟萬歷十年碑文尙存至國朝鼎興除荒徵熟縣令賈公鍾琇係順治二年八月十七日到任視事未及一月而上檄頻催其時四望無人百里斷烟安得有里甲人民自首熟地間有穴居野處保其餘生者皆聞徵熟之令趨而避之彼新任官何由而知其折畝耶不得已報畝塞責云俟

開墾之日查明折畝確數另文補報勒石見在順治三年奉按院寧將各屬折畝特疏題准填入全書由單商邑本年正值黃檗山土寇破城民逃官散賈公又以失守汎地革職不得申請至十一月二十七日衛公貞元方得投任是按憲題請之時商邑折畝下無士民告稟上無官吏申詳所以未入由單不然何獨置商邑於不問乎順治四年衛公文田均里因其折畝之疏已題不能復請乃酌古準今以二畝五分折筭一畝之數按畝定弓該弓七尺九寸五釐六毫卽以此作一大弓丈一畝便是一畝士民鼓舞稱便勒石見在繼任者王公溶陳公檄高公材衛公戴天何公之璜李公宣張公宏訓三十餘年以來俱係七尺九寸五釐六毫之弓行之無紊後於康熙十六年葉公爾茂奉文清查隱地患數不敷改爲七尺五寸之弓遂變作二畝三分五釐折筭一畝矣袁公舜蔭因循未改因而闔邑紳士於康熙二十八年三月內呈爲祈憐凋殘之苦等事談公永祚申請本府正堂何仍照舊例以二畝五分解筭一畝碑文見在近自堂

臺蒞任以來如熊玉沈應法陳斌等一案奉巡撫都察院闕批委丈量亦係二畝五分解筭一畝今奉布政使司田憲牌行府仰縣如有首告欺隱地畝遵照前奉部文仍用該縣舊用程尺此原弓尺必有定立碑記弓式所以紳衿百姓將萬歷十年小弓二畝五分解筭一畝之碑文並順治四年定爲七尺九寸五釐六毫之碑記弓式呈請出示俾大小二弓並存不悖併墾遵照部文再爲勒石使買賣田地者共相瞭然此亦仁政之首務也早衙職忝糧官待罪年久畧知其詳今據前情合將歷來丈田核奪給示施行須至呈者批如詳照例並存勒石以垂永久可也

康熙二十九年知縣許全學示

爲申明丈量舊例以遵守以垂永遠事

據闔縣紳衿熊奕久等呈前事呈稱一代鼎興有因有革惟錢糧地畝與丈量繩尺爲國計民生所關則相因而不變中州除荒徵熟未復原額地有肥磽不等畝有大畝小畝折筭不一順治十二年科臣晉題

請在案奉 旨允行丈量繩尺俱照各縣舊例不
得意為盈縮康熙四年科臣史又行題請奉 旨

俱照順治十二年科臣晉條奏仍用舊行規則不便
另頒弓尺煌煌令典永為民便商城丈量弓尺係萬

歷十年折筭每以小弓二畝五分折一大畝原碑現據
國初衛父臺蒞任田地初闢隨開丈報以舊例折

筭煩瑣扣筭二畝五分折一大畝該弓七尺九寸五
釐六毫遂以大弓實筭不折仍與折畝舊例相符遵

行至今相沿無異今因羅山縣請頒 部弓藩司田
大老爺又將當年科臣條議並奉 旨俱照各縣

舊例不必另請 部弓頒示各屬美意深仁無敢再
議但商城小弓折畝之例舊有古碑大弓不折之例

亦刻石已久叩祈細閱司府來文賞示申飭俾大小
二弓並存不悖鄰境強徒不致再為侵占矣永為遵

守公私兩便等情呈縣合行給示為此示仰十二里
有糧人戶知悉嗣後丈量田地務遵藩司申飭為則

如康熙四年史題請照依順治十二年科臣晉條奏
丈量以 部頒繩尺為準折筭照本縣舊例以二畝

五分如以大弓實筭不折仍照商邑舊例應用七尺
九寸五釐六毫庶大小二弓並行不悖勿得徇私任

意盈縮增減負 皇上浩蕩之洪恩各
憲臺保愛之至意也須至告示者

知縣許全學諮訪條議 商城與固始原非一縣宋末
始併商人固元因之明成化

分固始之二十六里仍立商城以其山多田少故在
商境內者止有上十三里其下十三里則固始之四

鄉俱有焉固始之南鄉參半西北如馬岡胡家集臨
河集胡司舖胡百戶店宋家集新店三家店火龍岡

楊家集期思北廟張庄往留集二即廟東鄉如大山
全河舖諸地方皆有商田自 國朝除荒徵熟抽扣

銀數商糧每畝四分八釐固糧每畝止於三分輕重
不等故商邑下十三里之糧戶皆圖輕躲重報納固

糧故老遺黎尚能歷歷指陳然冊籍焚燬空言無據
順治九年縣令衛貞元知商田為固所混後必以糧

累商不惜功名為百姓請命上臺業檄固邑撥田認
糧矣衛令以占多退少爭而弗受會固之黠猾者強

持之公尋陞擢抱憾而去康熙二十五年縣令談永
 祚縣丞龔戴銓因商之上十三里陳家集保內有奸
 民文某楊某亦報糧入固申詳司府批邊別駕轉委
 信陽童州判驗明已屬商田二家將入商認糧會奸
 民朦稟固令徑詳藩憲註銷田隨入商不果夫論田
 糧則將商作因論籍貫則固冒入商明季緣固境之
 內有商邑下十三里田地故里中人戶亦得入商考
 試先達如周吳數家亦有捷南宮登鶚薦者職此故
 也今田糧既入固冊戶口已隸固版矣乃以原係商
 籍故一遇考試則指稱舊家子弟仍入商考其冒考
 之徒日熾一日僥倖幫補遂猖狂保結接引無籍之
 人濫觴而無所底止康熙二十八年商生童受累已
 極忿不顧身具呈王大宗師指陳冒籍弊端詳明激
 切蒙送太守何公案下秉公審斷永禁固童冒考二
 十九年於府察院前立有碑記然冒籍雖得少清而
 田糧未歸版籍誠為商邑大累固得商田填塞田多
 則糧輕商田被固侵占田少則糧重尤幸撫軍都察
 院軫念荒殘隨開隨報未究原額尚可苟延歲月倘

異日餘田盡闢無處搜求則我商士民亦惟以禁冒
 籍者正田糧請命谷憲俾商固對丈以平賦稅以清

疆域以均苦樂也寧復隱忍畏忌緘
 口坐困永受豪強侵占之害也耶

知縣許全學勸諭清丈糧額示
 為勸諭速首隱糧以
 期足額以免後累事

竊照遵例墾荒等事 部議各省尚有餘地隱匿不
 首者甚多限文到四個月內或該管官查出或民人

首出自首出之年征收錢糧免其議處若民人不行
 首報地方官不行查出或被科道糾參或被旁人首

告將失察官員併該督撫一併交與該部照例議處
 其隱佔地畝民人交與該部從重治罪奉 旨民

間隱佔地畝立限四個月出首為期太迫着定限兩
 年盡行自首餘依議通行在案恭釋 部文尚有餘

地 旨意盡行自首等語皆指各原額而言也查
 商邑原額六千五百二十三頃今現在二千四百四

十六頃熟地僅止三分之一荒田應有三分之二每
 留心遍閱四路熟多荒少藩憲告示所云素稱荒地

極多州縣一望多是成熟好地者此也查閱縣志體
 訪輿情莫不以糧歸固始為辭夫以商城殘破之後
 冊籍無所稽查人民無所依附其就近固始之民認
 歸固始之糧情勢所必然非其罪也自興朝至今
 幾更長令均有地方之任商糧固糧均屬朝廷
 正供若以此為爭執之端徒攻同里之親鄰而仇鄰
 邑之父母所不取焉且須瀆控上臺委文具題上
 下駁申非歲月之間可以結案誤農功而違部限
 是求免累而反招累矣况入固之糧必無三分之內
 混去二分之理是吾商境內尚有隱匿未首之糧不
 待清丈而始明也况奉旨有傍人出首之條各
 憲有親自遍訪之示倘有發覺累長吏而喪身家追
 悔何及查此等隱匿之弊有二有有意欺隱者有無
 心誤犯者豪強刁悍之徒愍不畏死以身試法是為
 有意所不足惜有等宦裔富厚之家田畝素多流傳
 年久前人置買或有溢額之產後人折賣豈無多推
 之糧或有親厚尊長撥與遺念之產未經過割又或
 佃戶僕人以其餘力積漸開熟鄰界之荒習焉不察

是為無心之失一經發覺頓罹法網良可憫已今特
 勸闔邑紳士居民人等務須自相查察立身無過之
 地凡本縣二十七保一保之內必有老成公直素為
 居民敬服之人該官身人等公議數人量能任事酌
 定某人掌弓某人掌筭某人書寫圖冊赴縣請發弓
 式先將本保成熟之田地照魚鱗圖冊式樣逐戶開
 明四至圖畫田形丈實填註弓口積弓成畝比較原
 糧若干今丈若干如丈實多於原糧者即令本人據
 實赴縣自首即與免罪申報止完本年錢糧不迫從
 前籽粒如有未經開墾荒地及水冲沙壓之處案卷
 有憑形迹顯著者並照熟田之例總載冊內外將荒
 地水冲沙壓另摘一冊以備申請如此則一保共知
 本保熟田若干荒田若干水冲沙壓若干共計若干
 畝便見一保原額之數各保皆然便見通縣盈虧之
 數凡有糧之家照田多寡自備紙張足用而已以本
 保之人查本保之地非親則友量備疏飯可省差役
 需索酒食之費以各保之人分丈各保之田用力普
 而成功速從此有糧之家人人明白各放心安枕而

長吏無履畝之勞免狗隱失察之咎是則子弟之所
 以報父母者厚矣如是而原額虧短若干則訪從前
 商籍今任固邑之諸生而勸諭之試問固始縣東至
 霍邱五十里西至光州七十里南至商城六十里北
 至潁州六十里道里相等何以不冒籍於霍邱光州
 潁州而獨冒籍於商城者是蓋爾祖父所居之地所
 納之糧皆隸商城籍也當商邑殘破之後固始完固
 無虞移近就近借非圖輕躲重之謀則亦去危就安
 之計人情之常無足為怪今則水落石出糧去額存
 以諸公之至便貽商邑之至困昔親知而今秦越當
 亦爾先人之所抱歉於九泉者如能歸糧入籍照舊
 應試誠為兩便即不然呈明當事撙減原額以甦商
 民日後誅求原額之累今奉文以來給示行催已逾
 一季並無隱糧首出憂心如焚雖置此官於度外實
 無濟於地方不得已設為爾民速速各自查丈以清
 現在之實數乃是立身無過不怕人首不怕查丈之
 計如再逡巡觀望轉眼之間 部限即滿那時委
 官丈勘人人自危手足無措毋謂言之不早也

稅課

商城牙帖之稅凡五老稅帖六張征銀六兩牙稅帖
 四張征銀四兩八錢活稅帖三十一張征銀一十八
 兩八錢二分九釐牙稅新增帖八張征銀四兩八錢
 二釐活稅新增帖三十四張征銀一十八兩五分三
 釐共帖八十有三無帖之稅凡三房地新增稅銀二
 兩一錢四分五釐當稅銀五兩盈餘銀一百二十八
 兩七錢二分一釐共額徵解銀一百八十八兩三錢
 五分田房契稅無額儘收儘解其報解時文內聲明

除有額房地新增銀視前房地新增之數加一釐另
文申解

積貯

常平倉現貯穀二萬六千六百八石八斗八升

義社倉現貯穀一百三石八斗五升內分額貯穀二

萬四千石溢額穀二千七百一十二石七斗三升

漕倉現貯穀五千九十石內分額貯穀五千石溢額

穀九十石

按舊志前明預脩倉兵燹之後粒米無存

本朝於順治十二年知縣陳檄改建常平等倉自康熙十

九年奉文捐穀後嗣於康熙二十九年至乾隆二

十四年疊開捐例各倉始歸實貯乾隆三十八年

前總督仍管河南巡撫何焯於派貯動撥案內各

倉始有定額商城向無漕兌惟每年徵收丁地內

有隨漕折色行糧一項扣解糧道雍正九年大學

士蔣廷錫等議准總督田文鏡奏將豫東二省本

年分漕糧照一米二穀之例改徵穀石存貯漕倉

亦以脩平糶也

勸捐社倉

雍正二年立奉例勸捐

共二十有六在城者一現貯

穀九百八十九石八斗二合在東鄉者七三山口現

貯穀三百二十七石一斗八升四合一勺五抄胡太

寺現貯穀二百四十五石八斗八升四合一勺五抄

蘇仙河現貯穀三百八十五石四斗七升七合七勺

華岩寺現貯穀九百五十石八斗三升三合三勺袁

武集現貯穀一百一十四石八斗四升七合雙河保

現貯穀三十八石四斗五升二合土鎮寨現貯穀二

十八石三斗四升在南鄉者十一太蘇河上現貯穀

四十六石七斗一合太蘇河下現貯穀二十六石六

斗九升四合香官坂上現貯穀十二石香官坂下現

貯穀十三石九斗大木店上現貯穀七十八石一斗

九升九合大木店下現貯穀二百一十六石九斗八

升四合梅武店現貯穀八百五十九石三斗八升梅

溪塘上現貯穀一百三十二石四斗三升三合三勺

梅溪塘中現貯穀九十二石六升八合梅溪塘下現

貯穀一百三十八石九斗六升佛南河中現貯穀一

百五十三石七斗八升四勺在西鄉者六觀廟舖上

商城縣志 卷之四
現貯穀五百四十八石九斗觀廟舖下現貯穀八百六十六石七合三勺考隆河上現貯穀一百九十二石四斗六升考隆河下現貯穀一百四十石八斗五升四合通泉阪上現貯穀一百五十五石七斗七升八合通泉阪下現貯穀八十一石三斗二升在北鄉者一上石橋現貯穀一千五百二十三石四斗五升七合五勺又各社應貯息穀一百五十九石凡八千五百一十九石六斗八升六合八勺其一切出內各社長董其事

〔按〕倉儲之設或平糶或出借凡以爲民也商城處萬山之中陸不通車馬水不通舟楫山徑崎嶇行不並肩貿易往來僅負擔而已兼之地方窳遠有離縣二百餘里者計領倉往返或五六日或四三日不等其還倉之程亦如之通計一人持數斗糧領還兩次八九日之費揆以至貴之價與其領在城不如糶在本保也故放倉無論豐儉民多不願是商城之倉無益於民而有司反受其累前任知縣王啟文交代虧缺霉變穀石至一千六百餘石良

有以也本任接收之際細查厥口有自乾隆二十年間至今未曾出易者賴前任蓋藏頗善幸無紅朽之虞第積貯國之大政而因地制宜守土之責近以年僅七分詳請出借除南鄉八保距城窻遠山徑崎嶇示諭免領外仍熟籌出入良策俾民享接濟之利官無紅朽之虞斯得之矣

藉田穀每歲額收一十石三斗除通年各壇廟粢盛動用四石一斗七升外五年變價貯庫每年先農壇祭祀經費二兩卽在此項支銷現存倉藉穀一十八石三斗九升貯庫藉穀變價銀九十兩六錢八分

鹽法

舊額行淮北綱鹽三千四百引新增加代二百九十七引又新增加代餘鹽二百九十七引共計三千九百九十四引合得一千九百九十七並引每綱鹽一引原額重二百四十斤雍正四年及乾隆十三十六等年三次加至三百六十四斤並引重七百二十八斤康熙四十三年定價每斤銀一分四釐三毫嗣因水運阻滯鹽價漸增乾隆五十三年奉部核定漸

增每鹽一斤價銀三分五釐四毫六絲九忽照時價折錢銷賣所以便零買也其運道鹽船至正陽關起撥小船經南照三河尖至固始堆卸由瓦廟陸運抵縣

知縣許全學鹽法議

粵稽明季商固共鹽引一萬道商三固七分銷國朝初衛令

諱貞元以鹽商在固銷引必先固而後商罔顧商之官民因而另請三千四百引各自認銷商邑稱便後緣商固兩商俱一氣化生從中夤緣仍將商引三千四百積貯固始口岸而後聽各賣鹽舖戶陸續驢馱運赴商邑發賣竟將衛令請引便民之前功盡棄矣及至康熙二年本府陳糧廳署固篆鹽商乃有所恃朦稟本府太守金遂有商借固岸固借商路之語夫商邑不通水道引鹽借固始口岸堆積是矣獨是鹽

引註定行銷州縣越境即為私鹽不知固借商路欲何之耶或曰商隣湖省麻城藉彼代銷然麻城豈無應銷額引能容隣邑越銷以貽悞本邑之考成乎是必不然矣則又有一說云當日商借固岸是真其固借商路不過偶作對語耳邑乘鹽政總無稽考姑置無論唯是今日鹽政之弊甚矣往時銷引缺額歲各二三分不等筭歛烟民以副奏銷且因以為利是官有欠銷之樂而民受欠銷之害也日者痛懲斯弊官任其事而欠額滋甚是民方釋欠銷之害而官又受欠銷之累也因思鹽引之缺額蓋非無故矣謂邑有私鹽之壅滯歟彼瀕海近地一本數利亡命之徒往往為之若商邑僻處山谿即貪夫私販不過驢馱百觔涉遠冒險以博蠅頭此必無之事也唯奸商一引幾鹽影射出關及至口岸起鹽勢利交行全無顧忌以致私鹽公行此內帶銷官引不過十之一二商之鹽堆集於固商令不得而稽惟有束手以聽其夾帶影射而已且商邑舖戶賣鹽者十之三鄉民賣米於固因而買鹽者十之七舖戶發賣固鹽雖給鹽照未

免以多作少若鄉民向彼買鹽則概不給照夫既無照可查則名賣商鹽實銷固引矣是商邑之鹽引一阻於鹽商之夾帶再阻於固邑之借銷故所食之鹽常浮於引而所銷之引不足於鹽鹽引之所以常缺額也况商民之受固害又有不止於此者商固鹽商皆集固邑彼奸猾吏胥動假公務勒借勒捐輒盈千百挾之以不得不從之勢鹽商隱忍應命勢必權衡子母高其價值商之鹽寄食於固鄰母不恤他兒商民雖負痛飲憾亦無如之何也夫商食固鹽價值任其貴賤而鹽引奏銷則任其騰挪官民交困曷有極耶竊謂商邑現有山河稍稍挑濬舟楫可通以商邑之鹽貯商邑之地該商鹽到之日並按原領水程起鹽必使引鹽相符則私鹽不能影射而官鹽無壅滯之患商食商鹽商銷商引鹽引亦無缺額之虞且商鹽既在本邑嚴懲效尤需索之端則商人不得藉口以高其價而民困以除是誠官民商販之通利也第恐壟斷奸徒狃於積習終成築舍始存其議以備濟世者之採擇云爾

蠲賑

順治三年

特恩河南地畝免荒徵熟

商城免荒地四千一百餘頃

順治十七年奉

旨蠲免租稅

順治十六年以前直省錢糧凡拖欠在民者俱蠲免

康熙二十四年

諭免河南等省本年未完丁地錢糧所有二十五年應徵

丁各項錢糧着與蠲免一半

康熙三十年奉文三十一年錢糧盡行蠲免其應

漕糧亦通行蠲免

康熙四十九年蠲免丁地錢糧之半

康熙五十年

特恩蠲免直隸等省錢糧

自五十年始三年輪免河南省十一年應征丁地全免並歷年

欠亦俱免征

康熙五十二年以海內承平日久戶口繁滋嗣後

收丁銀據五十年丁冊為額

盛世續生人丁永不加賦

雍正二年

諭直隸河南山東山西四省舊欠分年帶徵

雍正四年

允撫臣田文鏡請丁糧按地輸納

雍正七年

特恩蠲免河南錢糧四十萬兩

雍正十一年蠲免河南錢糧如七年例

雍正十三年欽奉

恩詔蠲免錢糧分惠佃戶又

諭各省民欠十年以上者概予蠲免其餘未完民欠尚係應

徵者自雍正十二年以前一併寬免
乾隆元年欽奉

恩詔散賑無依窮民口糧豁除本縣冲塌民地三十六畝

乾隆二年以秋禾被旱賑給貧民並蠲免應征丁地

錢糧有差
商城動倉穀三千三百餘石

乾隆十一年

特恩普免直省應征錢糧
各省正賦分作三年蠲免將蠲賦之年應征耗羨一併緩至開征之年完

納

乾隆十五年

巡幸河南蠲租肆赦

乾隆三十一年

諭各省漕糧着照康熙年間之例於三十一年為始按年通

蠲一次

乾隆三十三年州屬秋禾被旱奉

旨發帑賑恤
商城共賑銀八萬七千七百六十二兩九錢五分四釐
所有本年應征錢

糧按被災分數蠲免其應征之數分年帶征

乾隆三十五年奉

恩詔普免天下錢糧分三年輪免河南本年全蠲

乾隆三十七年奉
上諭停止五年編審造冊之例

乾隆三十九年州屬秋旱奉

旨賑恤停征本年未完錢糧其明年丁地銀緩至秋後征

乾隆四十二年

特恩普免天下錢糧自本年始三年輪免

乾隆四十三年奉

旨因豫省雨澤愆期將四十五年輪免錢糧即於本年先

蠲免

乾隆四十四年奉

諭緩征本年丁地錢糧自四十五年為始三年帶征

乾隆五十年至五十一年以歲旱停征又奉文被災

州縣動支常社穀石煮粥分賑

商城動常平溢額穀一千八百餘石

乾隆五十五年

恩詔普免天下錢糧通計三年一律蠲完仍先儘五十四年

災緩各府州首免並勸諭減收佃租

嘉慶元年欽奉

授

受禮成

恩詔普免天下錢糧

自本年始商城嘉慶三年輪免

嘉慶四年十一月欽奉

高宗純皇帝升配

園邱

方澤禮成

恩詔豁免六十年以前積欠緩征丁地耗羨及民欠籽種口糧漕糧銀兩又豁免六十年以前積欠緩征並民借米穀草束

恩賚

康熙二十七年欽奉

恩詔八十歲以上老民每名給絹一匹綿一觔米一石肉十觔九十以上者倍之

康熙四十三年欽奉

恩詔七十以上老民每名許一丁侍養八十以上九十以下老民每名給絹綿米肉如例

康熙四十八年五十二年欽奉

恩詔賞老民如例

雍正元年欽奉

恩詔賞老民如例

乾隆元年欽奉

恩詔婦女七十以上者每口賞給布一疋米五斗老民七十

以上者准給一丁侍養免其雜派差役軍民年八十

以上者每名賞絹一疋綿一觔米一石肉十觔九十

以上者倍之

乾隆二十七年欽奉

恩詔賞老民七十八九十者如例

乾隆三十七年欽奉

恩詔賞老民如二十七七年例

乾隆四十五年欽奉

恩詔賞老民視三十七年

乾隆五十年欽奉

恩詔各直省有同堂五世者查奏加恩是年

恩賞本縣老民七十以上蕭世盛等八十九名八十以上

發裔等五十五名九十以上程愷等十五名均如

一百一歲董以文題

旌並加賞大緞一疋銀十兩

乾隆五十五年欽奉

恩詔賞本縣七十以上老民江起成等二百三十一名每

絹一疋綿一觔米五斗肉五觔八十以上余宗文

三十五名如例九十以上毛發齋等十三名倍之

嘉慶元年欽奉

授

受禮成

恩詔賞給本縣七十以上身家清白老人雷克修芮明

文驄王遠寧林瑤陳可法金明盛楊在學方希文余

士惠郭正發楊君魁閔得寧黃憲忠洪克培謝召營

等十六名九品頂戴八十以上身家清白老人柯雲

哲汪元蕙張含輝胡國珍等四名八品頂戴九十以

上身家清白老人敖東魯張翕等二名七品頂戴又

恩賞本縣老民七十以上楊文驄等二百六名八十以上

鮑子龍等五十五名九十以上王柱等六名各如例

嘉慶四年欽奉

升祔禮成

恩詔本縣老民七十以上沈宇瞻等一百七十九名八十
 以上江起成等三十六名九十以上江世先等二名
 均准一丁侍養免其雜派差使王鍊等六名各收
 嘉慶六年欽奉

冊立

皇后禮成

恩詔軍民婦人八十以上者照例分別賞賚

按捐賑

恩賚舊志多不載近世馮戶部敏昌之撰孟縣志洪太

亮吉之撰固始志始詳紀之夫

國家深仁厚澤百數十年百姓休養生息直以雞犬桑

麻爲所固有於我

朝勤勤懇懇不憚再三者相與忘之蓋過者化矣開吉

志此所以明

朝廷寬大之政其意至深且遠惟願樂利之民相與節

儉以持之禮義以守之俾歉不爲厲豐不至淫雖

然因其勢而利導之豈盡責之民也哉

然因其變而味華之豈盡責之只此始

命以耕之難兼以治之難下於亂豐不至新

時或費夫之效其意至新且變非取樂味之只此與

志其似以則

陳陳變態不難再三亦味與志之蓋嚴昔外矣聞吉

州之州國亦效其

國亦新才學醫百漢十半百致林養坐息直以假大衆

真吉之對國志故精味之夫

卷之四終

